

Արտ. հանդիսություն

ՄԻ ԴՐՎԱԳ ՀԱՅԱՍՏԱՆԻ ՓԱՆԱՔԱՑԻԱԿԱՆ ԿՌԻՎՆԵՐԻՑ

(1921 թվի փետրվարի 13-ից ապրիլի 15-ը)

Երբ Հայաստանում Սովետական իշխանությունը դեռ նոր էր սկսել իր առաջին քայլերը, դաշնակները, իրենց շուրջը համախմբելով կոնտրոն-վոլուցիոն տարրերը, բարձրացրին 1921 թվի փետրվարյան ավանտյուրան:

Բանվորների և գյուղացիների սոցիալիստական պետության դեմ սկսված այդ կոնտրոնկոլուցիոն ելույթն ուներ իր որոշակի նպատակը՝ տա-պալել Սովետական իշխանությունը Հայաստանում և ռեստավրացիայի են-թարկել հին կարգերը, երկիրը կրկին դարձնել իմպերիալիստական պետու-թյունների գաղութ, կոնտրոնկոլուցիոն պայքարի բազա Սովետական Ռու-սաստանի դեմ:

Սոցիալիստական ռևոլուցիայի մեծագույն հանճար Վ. Ի. Լենինը՝ խոսելով տապալված շահագործողների ռեստավրացիոն հույսերի և փորձե-րի մասին, ասում է.

«Անցումը կապիտալիզմից դեպի կոմունիզմ մի ամբողջ պատմական դարաշրջան է: Քանի այն չի ավարտվել, շահագործողների մեջ անխուսա-փելիորեն մնում է ռեստավրացիայի հույսը, իսկ այդ հույսը ռեստավրա-ցիայի փորձերի է վերածվում: Եվ առաջին լուրջ պարտությունից հետո, տապալված շահագործողները, որոնք չէին սպասում իրենց տապալմանը, չէին հավատում դրան, մտքով անգամ չէին անցկացնում այդ, տասնա-պատկված եռանդով, կատաղի կրքով, հարյուրապատիկ աճած ատելությամբ նետվում են դեպի մարտ՝ խլված «դրախտը» վերադարձնելու համար, իրենց ընտանիքների համար, որոնք այնքան քաղցր էին ապրում, և որոնց այժմ «ռաբիկ խուժանը» դատապարտում է տնտեսական քայքայման և թշվա-ռության (կամ «հասարակ» աշխատանքի...):¹

1921 թվի փետրվարյան ավանտյուրան հին կարգերի ռեստավրացիա-յի այդպիսի մի փորձ էր: Սակայն այդ դավադրությունը ինքնաժողով երևույթ չէր: Այն սերտորեն կապված էր միջազգային հակասովետական ռեակցիայի հետ և հանդիսացավ այդ ռեակցիայի արտահայտություններից մեկը Անդրկովկասում:

Փետրվարյան ավանտյուրայի նախապատրաստումը և ծագումը տեղի ունեցավ հետեյալ պայմաններում:

Առաջին՝ Անտանտի հին գալիերը՝ անգլո-ֆրանսիական իմպերիալիստ-ները բազմապիսի ռզնություն ցույց տալով Անդրկովկասի կոնտրոնկոլուցիոն ուժերին, նպատակ էին դրել ինչ գնով ուզում է լինի, ձեռքից բաց չթող-նել Անդրկովկասը: Այդ ուղղությամբ նրանց աշխատանքները ավելի ուժե-

¹ Լենին, Ընտիր երկեր, երկնաորայն, հատ. 2-րդ, Երևան, 1939 թ. էջ 470:

դացան Կարմիր Բանակի կողմից Վրաստանի սպիտակազորական բան-
դանների ջախջախումից և Ադրբեջանում ու Հայաստանում սովետական կար-
գեր հաստատվելուց հետո:

Ֆրանսիական «Գերադույն կոմիսար» Ա. Շեվալյեն 1920 թվի դեկ-
տեմբերի 16-ին, Թիֆլիսում, մենշևիկյան Վրաստանի Հեռագրական գոր-
ծակալության աշխատակցի հետ ունեցած զրույցում պարզ ու որոշակի
հայտարարում է, որ ամբողջ աշխարհի (այսինքն իմպերիալիստների—Ա.Հ.)
շահերը պահանջում են Հայաստանի և Ադրբեջանի սովետական իշխանու-
թյունների տապալում: Նա միաժամանակ մենշևիկյան Վրաստանին խոս-
տանում է զինված օգնություն, եթե երկրում ծաղի ուղուցիա կամ եթե
արտաքին թշնամու կողմից նրա վրտ հարձակում տեղի ունենա:¹

Դրանից մի քանի շաբաթ հետո, 1921 թ. հունվարի 27-ին, անգլիա-
կան քուրժուագիայի օրգան «Թայմս»-ը գրում է. «Դաշնակների լիդերներն
այս ամսի սկզբներին Թիֆլիսում ունեցած կոնֆերանսում վճռել են բոլոր
հնարավոր միջոցներով շարունակել կռիվը բոլշևիզմի դեմ, սակայն առանց
դրսի օգնության՝ ոչ մի հույս չկա, որ Հայաստանը կարողանա ազատվել
բոլշևիկների լծից»:²

Եվ իմպերիալիստները կազմակերպում են այդ օգնությունը, նրանք
օգնում են ոչ միայն նյութապես, որակավորված, այլև իրենց զորքերով
կռվում են սոցիալիստական ուղուցիայի դրոշմ բարձրացրած Անդրկովկա-
սի աշխատավորության դեմ, համաձայնեցնում և միատեղ մշակում են
սովետական կարգերի դեմ Անդրկովկասի կոնտրոսուղուցիոն ուժերի զինված
ելույթների պլանները, այդ թվում նաև դաշնակցության փետրվարյան
ավանտյուրայի պլանը: 1921 թվի հունվարին Թիֆլիսում դաշնակցական-
ների ունեցած խորհրդակցությունը, որի քննության առարկան էր Հայաս-
տանում սովետական կարգերի դեմ կոնտրոսուղուցիոն զինված ելույթի նա-
խադատրաստումը, իր աշխատանքներն սկսեց և ավարտեց Անտանտի իմ-
պերիալիստների, ինչպես նաև Անդրկովկասի կոնտրոսուղուցիոն ուժերի և
ռուսական սպիտակազորական թափթփուկների ներկայացուցիչների ալ-
տիվ մասնակցությամբ:

Անգլո-ֆրանսիական իմպերիալիստների թելադրանքով և օգնությամբ
այդ ժամանակ մենշևիկյան Վրաստանում (Թիֆլիսում) կազմակերպվում են
Հայաստանի, Ադրբեջանի, Կովկասի Լեռնային Ռեսպուբլիկայի «Փրկու-
թյան կոմիտեներ», որոնց առաջնահերթ խնդիրն էր Կովկասում սովետա-
կան ռեսպուբլիկաների դեմ կազմակերպել կոնտրոսուղուցիոն զինված ելույթ-
ներ: Խոսելով այդ հարցի մասին, Ս. Օրջոնիկիձեն ասում է. «...Երբ Թիֆ-
լիսում կազմակերպվեցին Հայաստանի, Ադրբեջանի, Լեռնային Ռեսպուբ-
լիկայի և այլ «Փրկության կոմիտեներ» — այդ՝ Կովկասում ամենուրեք սո-
վետական իշխանության դեմ ապստամբութուն բարձրացնելու պլան էր»:

Ս. Մ. Կիրովը բնութագրելով Վրաստանի մենշևիկյան կառավարու-
թյան դերը այդ օրերին, նշել է.

¹ Г. В. Хачатуридзе, — Борьба за пролетарскую революцию в Грузии, стр. 349—350, Тбилиси, 1936 г.

² Бюллетень НКВД РСФСР, № 66, стр. 30—31, 1921 г. 23 февраля.

³ Г. К. Орджоникидзе, — Избранные статьи и речи, 1939 г., стр. 110.

«Վրաստանի կառավարության դիրքը սպասողական է: Կան տվյալներ ենթադրելու, որ Ադրբեջանի մուսուլմանների ելույթը Գյանջայում մանրագնին կերպով նախապատրաստվել է հենց Թիֆլիսում: Մինչև այժմ այնտեղ են մնում Դոնի, Կուրանի, Թերեքի նախկին իշխանությունների ներկայացուցիչները. այնտեղ են գործում նաև Վրանգելի ներկայացուցիչները»¹

Մի այլ տեղ այդ առթիվ Ս. Մ. Կիրովն ասում է.

«Հենց այժմ խոսեցի Օրջոնիկիձեի հետ, որը գտնվում է Բաքվում, նա հաղորդում է հետևյալը.— Ելիզավետպոլի (Գյանջայի) նահանգում եղել է մեծ ապստամբություն, որը ճնշվել է վեցօրյա մարտերից հետո: Ելիզավետպոլը ուժեղ չափով տուժել է հրետանուց: Այժմ ապստամբություններ են տեղի ունենում Շուշիում և Ազդանում: Ապստամբությունները կազմակերպվում են մուսուլմանների կողմից: Վրացիները որոշակի կերպով նկատի ունեն Զաքաթալայի գավառը ծգտագործել որպես բազա՝ Ելիզավետպոլի նահանգի դեպքերի կապակցությամբ»²

Երկրորդ՝ Հայաստանում Սովետական իշխանություն հաստատվեց այն ժամանակ, երբ երկիրը՝ իմպերիալիստների կամակատար դաշնակների ավանտյուրիստական քաղաքականության հետևանքով՝ կանգնած էր անդունդի և կործանման եզրին, երբ հայ ժողովուրդը բզկտվում էր եվրոպական իմպերիալիստների, քեմալական օկուպանտների, վրացական մենչևիկների (Լոռու չեզոք գոտում) և դաշնակների կողմից: Հաստատվելով այդպիսի ծանր պայմաններում, Սովետական իշխանությունը Հայաստանում ձեռնամուխ եղավ քայքայված երկրում կարգ ու կանոն հաստատելու, բանվորներին և գյուղացիներին սովի ու համաճարակային հիվանդությունների կործանարար վտանգից ազատելու դժվարին խնդրին: Սովետական իշխանության առաջին երկու և կես ամիսների գործունեությունը խոշոր փոփոխություններ մտցրեց երկրի կյանքում: Սակայն այդպիսի կարճ ժամանակամիջոցում երբեք հնարավոր չէր վերացնել տնտեսական այն քայքայումը և նրա ծանր հետևանքները, որ մնացել էին դաշնակների տիրապետությունից: Այդպիսի քայքայված տնտեսությունը և նրանից ըխող պարենային դժվարությունները հնարավորություն չէին տալիս Հայաստանում պահել մեծ քանակությամբ կարմիր զորամասեր: Ինչպես նշել է Ս. Օրջոնիկիձեն,³ այդ զորամասերը կերակրելու հնարավորություն չկար, իսկ մենչևիկյան Վրաստանը փակել էր ճանապարհը Ռուսաստանից և Ադրբեջանից դեպի Հայաստան մեկնող պարենամթերքներով բեռնված գնացքների համար:

Երրորդ՝ դեռևս չէին ամրապնդվել Սովետական իշխանության օրգաններն ու նրա ապարատը: Զգացվում էր նոր կադրերի խիստ պակաս: Առանձնապես ծայրամասային և լեռնային շրջաններում (Դարալագյազ, Արագածի ստորոտ, Բաշ-Գառնի, Նոր-Բայազետ և այլն) սովետական ապարատը գտնվում էր ավելի թույլ վիճակում: Հայաստանի

¹ С. М. Киров.—Статьи, речи, документы (сборник), том 1, Партиздат, 1936 г., стр. 225.

² Նույն տեղում, էջ 226:

³ Г. К. Орджоникидзе.—Избранные статьи и речи, 1939 г., стр. 110.

Ռեկոմի, ինչպես հարկն է. այդ շրջանների հարցով չգրադվեց: Իսկ քաղա-
սական-մասսայական աշխատանքները թերադնահատված էին, մանավանդ
տաճկահայ գաղթականության մեջ: Այդ ցույց տալու համար կարելի է հի-
շատակել հետևյալ փաստը:

Արագածի ստորոտի 21 գյուղերում վերաբնակված մշեցի և սասունցի
գաղթականների ներկայացուցիչը 1921 թվի հունվարի 14-ին Հայաստանի
Ռեկոմին ուղղած դիմումի մեջ գրում է.

«Ալագյազում քրդական և հայկական գյուղերում վերաբնակվող մշե-
ցիներս ու սասունցիներս ներկա խնդրագրով դիմում ենք Ձեզ, հայտնելով,
որ մենք հենք իսկական բանվոր-որնճալար ժողովուրդը, մեր սրտին շատ
մոտ է Պորհրդային իշխանությունը, որը միակ պաշտպանն է բանվոր հո-
ղագործ ժողովրդին:

Սակայն չգիտենք ինչ պաճառով, որ նախկին դաշնականների կառա-
վարությունը տապալիչին հետո, երկար ատեն է, որ կտիրե այդ մեր սրտի
մոտիկ Պորհրդային իշխանությունը և մեզի բոլորովին աչքաթող է արել,
մեր մեջ չի ղրկվում կանոնավոր պրոպագանդիստներ, մեր մեջ չի կազմա-
կերպվում Հեղկոմի կոմիսարներ. մեզ չի ղրկվում լրագիր. մենք բոլորովին
ղրկված ենք աշխարհային հաղորդակցությունից»¹

Օգտվելով այդպիսի դրությունից, սովետական կարգերի հաստատու-
մից հետո Հայաստանում մնացած դաշնակցական զինված ուժերը ծաղկած
կենտրոնանում են վերոհիշյալ շրջաններում: Հակասովետական ուժեղ ագի-
տացիային զուգընթաց նրանք վերադասավորում և լրացնում են իրենց
ուժերը: Նույնիսկ մի շարք շրջաններում և գյուղերում (Դարալագյազ,
Բաշ-Քառնի և այլն) դաշնականները թափանցում են ոսկոյնների կազմի մեջ և
քայքայիչ աշխատանք են կատարում:

Զորորդ՝ ռազմական կոմունիզմի քաղաքականության կիրառման
ընթացքում Հայաստանում տեղի ունեցան մի շարք շեղումներ և սխալներ:
Նախ և առաջ անտեսվեցին Անդրկովկասի և Հայաստանի տեղական առանձ-
նահատկությունները: Լենինը՝ խոսելով Սովետական Ռուսաստանի համե-
մատությամբ Անդրկովկասի առանձնահատկությունների և դրանցից բխող
տակտիկայի մասին, Ադրբեջանի, Վրաստանի, Հայաստանի, Դաղստանի և
Լեռնականների Ռեսպուբլիկայի կոմունիստներին գրած իր ծրագրային նա-
մակում նշել է.

«Ոչ քե ընդօրինակել մեր (այսինքն՝ ռուսական կոմունիստների — Ա.Հ.)
տակտիկան, այլ լինումըստ կերպով կշռադատել մեր յուրահատկության
պատճառները, պայմանները և մեր արդյունքները, կիրառել իր երկրում
1917—1921 թ. թ. փորձի ոչ քե տառը, այլ ոգին, իմաստը, դասերը»², որ
Անդրկովկասում պետք է ցուցաբերել «ավելի մեղմությամբ, գզուշությամբ և
գիջողականությամբ մանր բուրժուազիայի, ինտելիգենցիայի և մանավանդ գյու-
ղացիության նկատմամբ»³:

Շեղումներն արտահայտվեցին նրանով, որ Հայաստանի առանձին

¹ ՀՍՍՌ Պետական կենտրոնական Արխիվ, ֆ. № 3/116, գ. № 2. Թերթ 79. Բնագրի
մեր պահպանված է:

² Լենին — Նիկիտ, հատ. 26-րդ, էջ 271, Երևան, 1931 թ.: Ընդգծումները բնագրինն են:

³ Նույն տեղը, էջ 270, Ընդգծումները բնագրինն են:

շրջաններում գյուղացիութեան նկատմամբ այդպիսի տակտիկական մոտեցում տեղի չունեցավ: Քաղաքացիական կոմունիզմի քաղաքականութիւնը, շատ դեպքերում վերցնում էին ոչ թե գյուղացիների պարենային ավելցուկը, այլ ամբողջ պաշտը: Նույնիսկ Երևանում 1921 թ. փետրվարի 7—8-ին տեղի ունեցան ընդհանուր բռնադրավումներ, որոնցից տուժեցին նաև սովետական ծառայողները: Գյուղերում չքավոր գյուղացիութեան թույլ կազմակերպվածութեան հետևանքով ունեւորները և կուլակները սարսուռով էին ենթարկւում կառավարութեան միջոցառումները և սովետական իշխանութիւնից թաքցնում էին իրենց պարենի պաշարները: Մյուս կողմից՝ բռնադրավումները կրում էին ծայրահեղ անկազմակերպ բնույթ: Դրա հետևանքով միջակ գյուղացիութեան որոշ մասի մեջ դժգոհութիւններ էին առաջանում: Այդ դժգոհութիւններն օգտագործւում են սովետական կարգերի երդվյալ թշնամիները—դաշնակները, կադետները, էսեռները, հնչակյանները, սպեցիֆիկները և մյուս կոնտրակոլուցիոն պարտիաները: «...Դասակարգային թշնամին քնած չէր: Նա փորձ էր անում օգտագործելու տնտեսական ծանր դրութիւնը, փորձ էր անում օգտագործելու գյուղացիների դժգոհութիւնը»¹

Ստովելով անկազմակերպ բռնադրավումներից և՛ թույլ հսկողութիւնից, սովետական ապարատի մեջ խցկված դաշնակները սովետական իշխանութեանը վարկաբեկելու նպատակով, իրենք ևս կատարում են բռնադրավումներ: Այդ առթիւ Հայաստանի Արտակարգ Հանձնաժողովի 1921 թվի փետրվարի 10-ի հրամանում ասված է. «Դաշնակների գաղտնի ազենտները խցկված լինելով մեր երիտասարդ խորհրդային հիմնարկութիւնները, ինքնազուխ գործունեութեամբ և ազգաբնակչութեան հետ կոպիտ վարվեցողութեամբ ի չիք են դարձնում խորհրդային իշխանութիւնը»:

Վերջին օրերս ինքնազուխ բռնադրավումներ և խուզարկութիւններ են նկատվում»²

Հինգերորդ՝ Հայաստանի Թեկոմը, որի կազմի մեջ խցկված կային դավաճան տարրեր (Ս. Կասյան, Ա. Իեկզադյան և ուրիշներ) և որոնք մերկացվեցին ավելի ուշ, ժողովրդի արյունարբու թշնամիներին՝ դաշնակների և մյուս կոնտրակոլուցիոն պարտիաների նկատմամբ ձեռք չառավ վճռական միջոցներ:

Դաշնակցականների մի մասը, որոնք տակտիկական նկատառումներով քողարկված էին «ձախ» պիտակի տակ, ազատ կերպով ման էին գալիս Սովետական Հայաստանի մայրաքաղաքում և մյուս շրջաններում: Նրանցից ոմանք նույնիսկ տեղավորված էին ղեկավար պոստերում և գաղտագողի դավեր էին նյութում բանվորների ու գյուղացիների սովետական պետութեան դեմ: Դրանց թվում էին փետրվարյան ավանտյուրայի կազմակերպիչներ՝ Դրոն ու Ս. Վրացյանը:

Դրոն՝ այդ տխրահռչակ ջարդարարը և բանդիտը, նույնիսկ հնարավորութիւն ստացավ մոտ մեկ ամիս և մի քանի օր (1920 թ. դեկտեմբերի սկզբներից մինչև 1921 թ. հունվարի սկիզբը) լինելու Հայաստանի Կարմիր Բանակի հրամանատարը: Դաշնակների համար այդքան ժամանակը բավա-

¹ ՀամԿ ք) Գ պատմութիւն. Համառոտ դասընթաց. էջ 337.

² «Կոմունիստ» (հայերեն) № 54, 1921 թ. փետրվարի 12, Երևան:

կան էր, որպեսզի՝ օղտագործելով բոլոր լեզալ և անլեզալ հնարավորությունները, առաջ տանեին կոնտրոկոլուցիոն խոռվության նախապատրաստումը: Արտաքուստ ձևանալով սովետական կարգերի կողմնակից և օգտագործելով իր պաշտոնական դիրքը, բրոն, Ս. Վրացյանի հետ միասին, համախմբում է իր համախոհներին, տեղյակ է պահում նրանց Սովետական Հայաստանի ռազմական ուժերին, այդ ուժերի դասավորությանը: Հայաստանի կարմիր բանակի շտաբում և ղեկավար պոստերում նա տեղավորում է մի շարք դաշնակցական սպաների, որոնք՝ ծանոթանալով շտաբի գաղտնի նյութերին, սովետական զորքերի դասավորությանը, փետրվարյան ավանտյուրայի նախօրյակին փախչում են Բաշ-Գառնի: Իրանց թվումն էր գնդապետ Ս. Թարխանյանը (կոռոն), որը ավանտյուրայի ժամանակ գլխավորեց դաշնակների դինված ուժերի ռազմական գործողությունները, իսկ Երևանը գրավելուց հետո դարձավ «Հայրենիքի Փրկության կոմիտեի» այսպես կոչված «սպարապետը»: Բացի դրանից, սովետական ապարատում խցկված էին դաշնակցական և էսեռ ակտիվ գործիչներ—Ս. Վրացյանը, Հ. Քաջաղենունին, Լ. Շանթը, Ն. Աղբալյանը, Ս. Տիգրանյանը, Ա. Խոնդկարյանը, Վ. Մինախորյանը և ուրիշները:

Սովետական կարգերի դեմ նախապատրաստվող դավադրությունը կոծկելու և ավելի լայն աղատություն ու վստահություն ձեռք բերելու նպատակով, նրանք արտաքուստ ձևանում էին լոյալ և նույնիսկ սովետական կարգերի կողմնակից: Խոսելով այդ մասին, Ս. Վրացյանը գրում է. «Մեր երկսի (այսինքն իր և Դրոյի—Ա. Հ.) մտահոգությունն էլ նույնն էր՝ վստահություն ներշնչել բոլշևիկներին, որ մենք իսկապես չենք ձգտում իշխանության և ամեն գնով աշխատում ենք Հայաստանը պահել խաղաղ և քաղաքացիական կովից առատ»¹:

1920 թվի դեկտեմբերի կեսերին Երևանում, անլեզալ կերպով կազմակերպվում է դաշնակցության Հայաստանի կոմիտե, որի գլուխ կանգնում է Ս. Վրացյանը: Ավանտյուրայի ամբողջ նախապատրաստումը կոմիտեն վերցնելով իր ձեռքը, Դրոյի և գաղտնի գործակալների միջոցով սերտ կապ է հաստատում Հայաստանի այն շրջանների հետ, որտեղ կենտրոնացած էին իրենց գլխավոր ուժերը—Բաշ-Գառնի, Աշտարակ, Էջմիածին, Բարալագյաղ: Էջմիածնի շրջանում և Արագածի ստորոտում ծավալված դաշնակցական բանդաների ղեկավար Կ. Սասունին, խոսելով այդ կապի մասին, գրում է.

«Աղավնատունը (գյուղ՝ Էջմիածնի շրջանում—Ա. Հ.) դառնում է բավական թվով երիտասարդ գործիչների կենտրոնը, ուր ես միայն ինձի հայտնի էի մնում, որպես Դրոյի կողմից հանձնարարություն ունեցող, իսկ մյուս ընկերներն ապրում էին դանաղան անուններով որպես պարզ դինվորներ:

Ամեն օր սուրհանդակ էինք դրկում Երևան, ուսկից ստանում էինք թերթեր և օրվա անց ու դարձի մասին ճշգրիտ տեղեկություններ»²:

Նման պայմաններում Հայաստանի Ռեկոմը թերագնահատեց այն ծանր իրադրությունը, որ ստեղծված էր փետրվարյան ավանտյուրայի

¹ «Հայրենիք» ամսագիր, 1923, № 2, էջ 74.

² Նույն տեղում, 1925, № 1 (37), էջ 81.

նախօրյակին Հայաստանում: Այդ ապացուցելու համար կարելի է հիշատակել հետևյալ փաստը: 1921 թ. հունվարի 24-ին ուղիղ գծով խոսակցություն է տեղի ունենում Հայաստանի Կ(Բ)Պարտիայի Կենտկոմի՝ Ադրբեջանում գտնվող ներկայացուցչի և Հայաստանի Ռեկոմի անդամների միջև: Վերջիններս Հայաստանի դրությունն այդ ժամանակ այսպես են նկարագրել.

«Խորհրդային իշխանության դրությունն երկրի ներսում ամուր է... Դաշնակների կուսակցությունը կատարելապես սնանկացել է:

Բանակն ու աշխատանքը նրանում (Հայաստանում) ընթանում է շատ հաշոգծով:

Բնորոշ է, որ այդ խոսակցությունը տեղի է ունեցել հենց այն օրերին, երբ դաշնակների խողովությունը Բաշ-Գառնիում չէր ճնշված և երբ դրանից 3 օր հետո՝ հունվարի 27-ին «Կոմունիստ» լրագիրը «Դաշնակցության վերջին ավանտյուրան» վերնագրով առաջնորդողում հիմնական գծերով տալիս է Սովետական Հայաստանի համար ստեղծված ծանր իրադրությունը: Այնտեղ մենք կարդում ենք.

«... Դաշնակցությունը կամենում է հաճոյանալ նոր արյունհեղությամբ: Նա փորձում է հայ կոլոնիալ բուրժուազիայի և անգլո-ֆրանսիական կապիտալի օգնությամբ քաղաքացիական պատերազմ սկսել Հայաստանի ընդհանուր ազգայնական կառավարության դեմ:

Հայաստանում դաշնակցությունն իր բազան է դարձրել ղեկավար Զանգեզուրը: Այստեղ են հավաքված գանաղան Ռուբեն, Նժդեհ և այլ տըխրահոյակ «փաշաներն» ու «հերոսները»: Զանգեզուր են կուտակվում գանաղան կողմերից Հայաստանում «անգործ» մնացած բազմաթիվ մաուդերիստները:

...Մյուս կողմից կապեր են հաստատված Թավրիզի միջոցով անգլիացիների և Թիֆլիսի հետ, որոնք հսկայական օգնություն են խոստանում նոր ձեռնարկությանը: Եթե այդ բոլորին ավելացնենք նաև այն, որ Կեմալի զորքերի կողմից գրաված վայրերը չմտքելու մթին ֆազաֆականությունը միանգամայն համապատասխանում է դաշնակցության ռասակարգային ծրագրին՝ նոր ավանտյուրայի պատկերը կպարզվի միանգամայն:

Ահա այն արտաքին ուժերը* (ինչ խոսք, որ մենշևիկյան Վրաստանն էլ նրանց շարքումն է), որոնց վրա հիմնված, դաշնակցությունը պատրաստվում է Հայաստանում հակահեղափոխական հեղաշրջում առաջացնել և բանվորների ու դյուղացիների դիակների վրա կապիտալի ու մաուդերի իշխանություն հաստատելը:

Այնուհետև առաջնորդողում խոսվում է այն ներքին ուժերի մասին, որոնց միջոցով և աջակցությամբ կարող է գլուխ դալ նոր ավանտյուրան:

Չնայած ավանտյուրայի այդպիսի որոշակի նախապատրաստությանը, ՀՍՍՌ Ռեկոմը վճռական միջոցների չդիմեց այն կանխելու, բնում խեղդելու համար: Նա չփոխեց իր օպորտունիստական քաղաքականությունը կոնտրոսկոլուցիոն պարտիաների նկատմամբ:

* ՀԿ(Բ)Պ Կենտկոմին կից Պարա. Արիվ, կապուկ № 4, 11-րդ բանակին վերաբերող նյութեր, գործ № 1, էջ 47 և 49.

* Հնդգծումները թերթինն են.

* «Կոմունիստ» (հայերեն), 27 հունվարի, 1921 թ., № 40.

Իր այդ սխալը Ռեկոմը հետագայում, ավանայուրան սկսվելուց և Երևանի անկումից հետո միայն հասկացավ: Մարտի 4-ի նրա կոչում այդ մասին ասված է.

«...Հայաստանի Խորհրդային իշխանության ոչ թե հանցանքը, այլ քաղաքական սխալը կայանում է նրանում, որ նա ղաղնակների դավադրության իրագործման միայն նախօրյակին ձեռնարկեց այդ կուսակցության մի շարք ղեկավարների ձերբակալմանը և միայն Երևանից նահանջելու մոմենտին ղեկավարեց մի քանի տասնյակ մաուզերիստներ, խմբապետներ և այլ գարշելիներ, որոնք տակավին ձերբակալությունից առաջ օրենքից դուրս էին հայտարարված»¹

Դաշնակների, էսեռների և մյուս կոնտրակոլուցիոն պարտիաների նկատմամբ Հայաստանի Ռեկոմի ունեցած օպորտունիստական քաղաքականության դեմ առաջին ահադանդն են տալիս Ալեքսանդրոպուլի բոլշևիկները, որոնք պահանջում են ամենավճռական և անողոք դատաստան տեսնել սոցիալիստական ռևոլուցիայի բոլոր թշնամիների նկատմամբ: 1920 թվի դեկտեմբերի 21-ին ՀԿ(Բ)Պարտիայի Ալեքսանդրոպուլի Կոմիտեն ՀԿ(Բ)Կենտրոնին (պատճենը Հայաստանի Ռեկոմին) ուղղում է մի գրություն, որտեղ ասված է.

«Ալեքսանդրի Կոմկուսակցության քաղկոմը՝ տեղեկանալով այն տակտիկայի մասին, որ ունի Հայաստանի Հեղկոմը ներքին կյանքում ընդհանրապես և հանդեպ ոճրագործ ղաղնակները մասնավորապես, որոնց վերաբերմամբ գործադրվում է հեղափոխական ոգուն և գործելակերպին անթույլատրելի փափկություն, որպիսի հանգամանքը շատ թանկ կարող է նստել Կարմիր Հայաստանի առանց այն էլ հյուծված ընչադուրկներին և աննպաստ ընթացք ունենալ հեղափոխության համար, բողոքում է դորա դեմ և պահանջում է խիստ միջոցներ ձեռք առնել հակահեղափոխության դեմ:

Սաքապետների տեղը ոչ թե Կարմիր Բանակի հրամանատարության կազմի մեջն է, այլ Արտակարգ Հանձնաժողովի նկուղը:

Կորչեն վերջնականապես մաուզերիզմի առաքյալները կարմիր իրականությունից»:

1921 թվի հունվարի սկզբին Իլոն հեռացվում է Հայաստանի Կարմիր Բանակի հրամանատարի պոստից և մեկուսացվում: Նրա գործակալների մի մասն իրենց փրկությունը գտնում են փախուստի մեջ, իսկ մյուս մասը դեռևս շարունակում է մնալ քողարկված վիճակում և կատարել իրենց քայքայիչ աշխատանքը:

1921 թվի հունվարի կեսերին կոնտրակոլուցիոն ելույթի նախապատրաստական աշխատանքներն արդեն ավարտվելու վրա էին: Այդ ժամանակ ղաղնակցական զինված բանդաները կենտրոնացել և դասավորվել էին Արագածի ստորոտում, Ն. Ախսայի, Բաշ-Գառնիի, Նոր-Բայազետի և Դարազյազի շրջաններում—ըստ Դրոյի և Ա. Վրացյանի մշակած պլանի:

Հաշվի առնելով Սովետական Հայաստանի ծանր դրությունը, որն ավելի բարդացավ ղաղնակների նկատմամբ Հայաստանի Ռեկոմի կազմի մեջ խցկված դավաճանների վարած քաղաքականության հետևանքով, Ռուսաս-

¹ ՀԿ(Բ)Պ Կենտկոմին կից Պարտիական Արխիվ, կապուկ № 31, դործ № 5, էջ 3.

² ՀՍՍՌ ՊԵՄ Կենտր. Արխիվ. Գ. № 4/114, գ. № 7, թերթ 8.

տանի կոմունիստական (բոլշևիկներ) Պարտիայի կովկասյան Բյուրոյի, Ս. Օրջոնիկիձեի հանձնարարություններով 1921 թվի հունվարի վերջերին Հայաստան է դալիս կովկասյան ռազմաճակատի Ռուսաստանի Արտակարգ Հանձնաժողովի լիազոր Գ. Աթարբեկյանը, խնդիր ունենալով ծավալել վճռական պայքար դաշնակիցների և մյուս կոնտրոկոլուցիոն պարտիաների դեմ: Մանությանն ալով Հայաստանի վիճակին և իմանալով դաշնակների կողմից նախապատրաստվող դավադրության մասին, Գ. Աթարբեկյանը, Ն. Օրջոնիկիձեի ցուցումներով, սկսում է ամենաանողորմ դատաստան տեսնել ժողովրդի թշնամիների նկատմամբ: Նա բանտարկել է տալիս բավական թվով դաշնակցական դործիչներ, նրա ղեկավարությամբ հայտնաբերվում և ոչնչացվում են դաշնակների մի շարք գաղտնի կազմակերպությունները: Սակայն դաշնակցականների մի մասին հաջողվում է թաքնվել: Գործադրելով բոլոր ջանքերը, նրանք արագացնում են դավադրության նախապատրաստությունը: Այդ օրերին Ջանգիդուրից—որը դեռևս գտնվում էր դաշնակների ձեռքում—գաղտնի կերպով Սովետական Հայաստան են անցնում խմբապետներ Մարտիրոսը և Քնկոն՝ իրենց ուժերով:

Իրենց շուրջը համախմբելով Սովետական Հայաստանում գտնվող կոնտրոկոլուցիոն ուժերը — կուլակությունը, սպեկուլանտներին, խմբապետներին, հոգևորականությունը և այլ կարգի տականքներին, դաշնակները խռովության առաջին փորձը կատարեցին 1921 թվի հունվարի 22-ին՝ Բաշ-Գառնիում: Այդ օրը նրանք զինված ելույթի միջոցով Բաշ-Գառնին վերցնում են իրենց ձեռքը: Երևանից մեկնած կարմիր դորամասերը, աշխատավոր գյուղացիության օգնությամբ, նույն ամսի 29-ին լիկվիդացնում են դաշնակների Բաշ-Գառնիի խռովությունը:

Սակայն դաշնակցական բանդաները լիովին չեն հայտնաբերվում ու չեն ղինաթափվում: խմբապետ Մարտիրոսը իր հիմնական ուժերով թաքնվում է: Իսկ Երևանից ուղարկված կարմիր Բանակի դորամասերը իրենց խնդիրն ավարտված համարելով, հրաման են ստանում վերադառնալ Երևան: Օգտվելով կարմիր Բանակի հրամանատարության այդ սխալից, հակառակորդը նորից գործելու հնարավորություն է ստանում: Բաշ-Գառնի են կենտրոնացվում թշնամու հիմնական ուժերը և շատերը: Նրանք տենդորեն շարունակում են նախապատրաստվել նոր խռովության համար:

Վրացական մենշևիկները, որոնք այդ ժամանակ իշխանությունը դեռևս պահում էին իրենց ձեռքում, երկրում աճող օկոկոլուցիոն ճգնաժամի հետևանքով, ծանր կացության մեջ էին և ամեն կերպ աշխատում էին արագացնել դաշնակների կողմից նախապատրաստվող հակաօկոկոլուցիոն ելույթը:

Իսկ երբ դաշնակները սկսում են ավանտյուրան և զրավում Երևանը, մենշևիկյան Վրաստանի արտաքին գործերի մինիստր Սարախտարաշվիլույց փետրվարի 21-ին ստանում են հետևյալ ողջույնի հեռագիրը.

«Երևան, «Հայրենիքի Փրկության կոմիտեի» նախագահ Վրացյանին.

Ձերմ շնորհավորանքներ օտար լծից ձեր երկրի աղատվելու առթիվ:

...Վրաստանի կառավարությունն առաջարկում է ձեզ անմիջապես դուրս գալ մեզ հետ միասին և խփել բոլշևիկների թիկունքին, այդ են պահանջում երկու ժողովուրդների շահերը... Բոլշևիկյան գործերի բոլոր դրոշմները երեկ և այսօր դիշերը ետ են շարտված թշնամու համար մեծ կո-

րուստներով: Ձրանսիան վերջնականապես բռնեց մեր կողմը և նրա էսկադրոնը ամրակոծում էր բոլշևիկյան զորքերին...

Քնդրում ենք անմիջապես դիմել համապատասխան միջոցների՝ խելքի բերելու համար բոլշևիկների կողմից մոլորեցրած հայ գյուղերը [գյուղացիներին]: Ձեր միսիան թիֆլիսում վերականգնված է:¹

Կատարելով օտարերկրյա իմպերիալիստների, հայ բուրժուազիայի և անդրկովկասյան կոնտրոկոլուցիայի կամքը և սկսելով փետրվարյան ավանտյուրան, դաշնակները ցանկացան ավելի աչքի ընկնել միջազգային հակառակուցիայի մեջ:

Փետրվարյան ավանտյուրայի նախապատրաստման գործում դաշնակներին խոշոր չափով օգնել է նաև թյուրքիան: Այդ մասին Հայաստանում գործող կարմիր զորամասերի շտաբի 1921 թ. փետրվարի ամփոփագրում ասված է.

«Փետրվարի 16-ին թյուրքական հանձնաժողովի ներկայացուցիչը փորձում էր մեկնել Շահթախտ, ընդ որում մոտիկ կանգնած գործակալների տվյալների համաձայն մեկնելու նպատակն է եղել՝ ապստամբութուն բարձրացնել Շահթախտի և Նախիջևանի շրջանում:

Նույն տվյալների համաձայն՝ ապստամբութունը [փետրվարյան ավանտյուրան] նախապատրաստվում էր վաղուց և հետևանք է դաշնակների ու թյուրքիայի միջև տեղի ունեցած հարաբերությունների: Ըստ բոլոր տվյալների, այդ ապստամբութունը կազմակերպված է և տարվում է թյուրքների ղեկավարությամբ և հիմք կա ենթադրելու, որ դա հանդիսանում է թյուրքների կողմից որպես հակակշիռ [գործողություն] մեր առաջխաղացմանը Վրաստան».² ամփոփագրի վերջում ուղղակի նշված է, որ թյուրքերը մասնակցել են Իաշ-Գառնիի խռովության նախապատրաստմանը:

Փետրվարյան ավանտյուրայի ծագումը որոշ չափով հեշտացավ շնորհիվ այն հանգամանքի, որ Հայաստանում գտնված Կարմիր Բանակի զորամասերի զգալի մասը կենտրոնացած էր Ղարաքիլիսայում (այժմ Կիրովական) և երբ Լոռու չեզոք գոտում ու Վրաստանում մենշևիկների դեմ սկսվեց զինված ապստամբութունը, այդ զորամասերը օգնության գնացին ապստամբ բանվորներին ու գյուղացիներին: Դաշնակները այդ առիթը ևս բաց չթողին:

Ժողովրդի անարգ թշնամիները՝ դաշնակները փետրվարյան ավանտյուրայով երիտասարդ Սովետական Հայաստանը քաշում են քաղաքացիական պատերազմի մեջ:

Սկսվում է Հայաստանի բանվորների ու գյուղացիների հերոսական պայքարը Սովետական իշխանության ներքին և արտաքին թշնամիների դեմ:

Այդ մարտական օրերին Հայաստանի աշխատավորները հանուն Սովետական Հայրենիքի մարտնչում էին Ս. Օրջոնիկիձեի գլխավորած 11-րդ բանակի հետ կողք-կողքի, բանակ, որն ստեղծվել, կոփվել և ամրապնդվել

¹ Ազատ Հայաստան, օրգան «Հայաստանի Փրկության Կոմիտեի», 23 փետրվարի 1921 թ. № 4:

² ՀԿ(Ը)Գ Կենտկոմին կից Գարտիական Արխիվ, պատմական մաս, 11-րդ Բանակին վերաբերող նյութերը, կապուկ № 4, գործ № 1, էջ 103:

էր Սովետական Ռուսաստանում տեղի ունեցած երկարատև քաղաքացիական կռիվների քուրայում:

Որովհետև էին ավանտյուրայի ուժերը: Նրա հիմնական ուժերն էին մառախուղի ստական խմբերը — դաշնականների պարտիական այդ զորամասերը, կուլակութունը, ունևորները, սպեկուլանտները, հոգևորականութունը և հակասովետական մյուս տարրերը: Դաշնականները, էսենները, կադետները, սպեցիֆիկները քիչ ջանքեր չթափեցին միջակ և չքավոր գյուղացիութայանն իրենց կողմը գրավելու և ավանտյուրային մասնակից դարձնելու համար: Սակայն այդ նրանց չհաջողվեց: Չքավոր գյուղացիութայանն ամբողջութայամբ, իսկ միջակն իր հիմնական մասսայով կանգնած էր Սովետական իշխանության կողմը և նրա պաշտպանության դիրքերում: Նրանք զենքը ձեռքներին կռվի դուրս եկան սովանտյուրիստների դեմ: Դաշնականներին հաջողվեց իրենց հետևից տանել միջակ գյուղացիութայան միայն շատ քիչներն մասը և տաճկահայ զաղթականութայան այն խավերը, որոնք դաշնականների տիրապետութայան օրոք տեղավորված էին ավերված աղբյուրներում և քրդական գյուղերում, տիրանալով նրանց հարստութայուններին: Սովետական իշխանութայան հաստատումից հետո տաճկահայ զաղթականութայան այդ խավերը դաշնականների շովինիստական ագիտացիայի հետևանքով չէին ցանկանում տեղափոխվել իրենց համար հատկացված ուրիշ վայրեր և աղատել մասսայաբար Սովետական Հայաստան վերադարձող աղբյուրական և քուրդ բնակչութայան գյուղերը: Դա զաղթականութայան մոլորված մասն էր, որը առժամանակ հետևելով դաշնականներին, հետագայում, հենց ավանտյուրայի ընթացքում, հիասթափվում է Հայրենիքի Փրկութայան կոմիտեից, լքում է դաշնականների շարքերը և իր ազատութայան միակ ուղին տեսնում է սովետական կարգերի մեջ:

Այժմ տեսնենք, թե ինչպես սկսվեցին և դարգացան ռազմական դործողութայունները:

ՀՍՍՌ տերիտորիայում գտնված կարմիր զորամասերի հրամանատարը (Մավկաչանով) 1921 թվի հունվարի 2-ի N 1 հրամանով զորամասերը բաժանել էր 4 մարտական խմբավորման:

Աջ խմբավորումը (ընդհանուր կազմը՝ 6 զուգարտակ, 14 հրանոթ, մեկ հեծյալ վաշտ), որի հրամանատարութայունը հանձնված էր 2-րդ հրաձգային բրիգադի հրամանատար Նրմոլենկոյին, դասավորված էր Բանագիրմազ սար-Գյոդակուռ-Բաշ-Արարան—Օշական—Աշտարակ—Սարգարաբադ գյուղերի և էջմիածին կայարանի շրջանում:

Ձախ խմբավորումը (ընդհանուր կազմը՝ 6 զուգարտակ, 8 հրանոթ), որի հրամանատարութայունը հանձնված էր առաջին հրաձիգ բրիգադի հրամանատար Միրիմանովին, տեղավորված էր Ղաթարլու—Ալլաբ—Դավալու շրջանում:

Դարալագյադի ջոկատը (մեկ զուգարտակ, 4 հրանոթ) Մելիք-Մուրադյանի հրամանատարութայամբ, տեղավորված էր Դարալագյազում, խընդիր ունենալով պաշտպանել Սովետական Հայաստանը Զանգեզուրի դաշնակցական բանդանների հարձակումից:

Նոր-Բայազետի խմբավորումը (մեկ զուգարտակ, մեկ լեռնային մարտկոց) տեղավորված էր Նոր-Բայազետում, խնդիր ունենալով՝ ապահովել կարգ ու կանոնն այդ շրջանում:

Բանակի օժանդակը (ընդհանուր կազմով՝ 6 գումարտակ, 12 հրանոթ, 5 հեծյալ վաշտ, 2 զրահագնացք), 3-րդ հրաձիգ բրիգադի հրամանատար Տիմչենկոյի հրամանատարությունը, տեղավորված էր Երևան, Քանաքեռ — Ներքին-Ախտա — Ելենովկա (Սևան) շրջաններում:

Չունենալով ստույգ հետախուզական տվյալներ հակահակորդի ուժերի և նրանց դասավորության վերաբերյալ, և ճիշտ եղրակացություն չգալով Բաշ-Դառնիի հունվարի 22 — 29-ի խռովությունից, Հայաստանում կանգնած կարմիր զորքերի հրամանատարությունը մինչև փետրվարյան ավանտյուրայի սկսվելը իրեն ենթակա զորքերը չկարողացավ նոր վերախմբավորման ենթարկել, ռազմական հզոր բռունցք ստեղծել ավանտյուրայի հենց սկզբին հակահակորդին արագորեն զախջախելու համար: Միայն փետրվարի 15-ին Կարմիր Բանակի հրամանատարությունը ստույգ տեղեկություն է ստանում, որ Բաշ-Դառնիում կազմակերպված է դաշնակների շտաբ՝ գնդապետ Ս. Թարխանյանի ղեկավարությամբ և որ այնտեղ գտնված խմբապետներ Մարտիրոսի և Խնկոյի բանդաները բավականաչափ մեծացել են: Բայց նույնիսկ այդ ժամանակ նրան դեռ հայտնի չէր, որ խմբապետ Սմբատի բանդան գտնվում էր Աշտարակի շրջանում, Կարո Սասունու բանդան գտնվում էր Ալագյազի ստորոտում, խմբապետ Արամյանի ջոկատը գտնվում էր Վերին և Ներքին-Նեջրլու գյուղերի շրջանում (Երեւանի 12 կիլոմետր հարավ-արևմուտք), որ Երևանում գոյություն ունի մաուզերիստների ջոկատ — քաղաքի պարետի օգնական Սարգսյանի ղեկավարությամբ, որ Դարալագյաղում կան դաշնակցական զինված ջոկատներ:

Այդ պատճառով էլ, երբ Բաշ-Դառնիում սկսվեց խռովությունը, Հայաստանի Կարմիր Բանակի զորամասերի հրամանատարությունը իր գլխավոր ուղադրությունը դարձրեց միայն Բաշ-Դառնիի վրա, թերագնահատելով մյուս շրջաններից սպասվող վտանգը:

Ահա այդպիսի պայմաններում, 1921 թվի փետրվարի 13-ին Բաշ-Դառնիում դաշնակցական բանդաներն սկսում են իրենց զինված ելույթը: Շրջապատելով Քեշիշքենդը (այժմ Միկոյան) նրանք գազանարար մորթոտում ու ոչնչացնում են 11-րդ Կարմիր Բանակի 20-րդ դիվիզիայի 180-րդ գնդի առաջին գումարտակի սպաներին և մարտիկներին: Բավաճանական հարձակումը Քեշիշքենդի վրա ազդանշան դարձավ փետրվարյան ավանտյուրայի համար: Այդ դեպքից մեկ-երկու օր հետո, համարյա միաժամանակ, դաշնակները զինված ելույթներ են սկսում Բաշ-Դառնիում, Ապարանում, Նոր-Բայազետում, Ախտայում:

Բաշ-Դառնիում կենտրոնացած բանդաները, որոնց հետ էր դաշնակների գլխավոր շտաբը, փետրվարի 16-ին սկսում են զինված ելույթը և գրավում են մի շարք գյուղեր (Ղաթղառն, Դամրեզ, Արամուս, Բաշգեղ, Քերփչլու, Ողջաբերդ): Նրանք ուղղություն են վերցնում դեպի Քանաքեռ՝ հյուսիսային կողմից նրևանին հարվածելու համար: Դաշնակցական բանդաներից մեկը խնդիր ունենալով կտրել բոլոր տեսակի հաղորդակցությունը Երևանի և Ելենովկա — Բիլիջանի միջև, ուր գտնվում էին Կարմիր Բանակի ուժերի մի մասը, Բաշ-Դառնիից շարժվում է դեպի Էյլար, Նույն օրը այդ խումբը դրավում է Էյլարը: Մհուրը և կտրում հեռախոսային կապը նրևանի ու Ելենովկայի միջև: Բաշ-Դառնիի շրջանից մեկ ուրիշ

աանդա հարձակվում է Շոռքուլաղի վրա՝ խնդիր ունենալով գրավել այդ գյուղը և Երևանին հարվածել արևելյան կողմից։ Առաջին հարձակման ժամանակ Շոռքուլաղում գտնվող Կարմիր զորամասերի ուժեղ հարվածների տակ նրանք ետ են նահանջում դեպի Քերփչլու։ Նույնով ստանալով նոր և մեծ համալրում, դաշնակները կրկին հարձակվում են Շոռքուլաղի վրա և փետրվարի 16-ի Իրեկոյան զրաւում այն, Հաջորդ օրը, ուժեղ մարտերից հետո, հակառակորդը նորից ետ է շարտվում Շոռքուլաղից։ Դարձյալ Իաշ-Գառնիի շրջանից մի այլ րանդա փետրվարի 16-ին ուղղութուն է վերցնում դեպի Վ. Աղբաշ, խնդիր ունենալով կտրել Երևանից դեպի Սովետական Նախիջևան տանող երկաթգիծը և Սովետական Հայաստանի մայրաքաղաքին հարվածել հարավ-արևելքից։ Նույն օրը երեկոյան նրանք գրավում են Զանաթլու գյուղը։

Փետրվարի 16-ին Աշտարակ — Էջմիածին — Երևան և Աշտարակ — Երևան ուղղություններով իրենց հարձակումն են սկսում Արագածի ստորոտում կենտրոնացած՝ խմբապետներ Սմբատի և Կարո Սասունու բանդաները։ Ծանապարհին սրանց միանում են խմբապետ Արամյանի ուժերը։ Նրանց խնդիրն էր գրավել Աշտարակը, Էջմիածինը, այնուհետև մի մասով շարունակել առաջխաղացումը դեպի Երևան, իսկ մյուս մասով՝ դեպի Ուլուխունլու—Աղհամզալու՝ կտրելու հաղորդակցությունը Երևանի և Ղաթաբլուի միջև ու միանալու Իաշ-Գառնիից դեպի Վ. Աղբաշ շարժվող ուժերին։

Փետրվարի 17-ին Աշտարակի և Էջմիածնի շրջաններն արդեն գտնվում էին խռովարարների ձեռքում։ Հակառակորդն սկսել էր սպառնալ Սովետական Հայաստանի մայրաքաղաքին։ Այդ լուրը լսելով, Երևանում թաքնված դաշնակ-մաուզերիստներն ավելի մեծ աշխուժություն են ցույց տալիս։ Նրանք ուժեղացնում են հակասովետական ագիտացիան։

Մոլեգնող կոնտրոսություններից հարվածելու և մայրաքաղաքը պաշտպանելու համար Երևանի կարմիր զորամասերը և աշխատավորները բռնկվիկների պարտիայի ղեկավարութամբ ձեռք են առնում մի շարք միջոցներ։ Կոմունիստներից և կոմերիտակներներից կազմակերպվում է կամավորական ջոկատ, զինվում է տեղական միլիցիան, փետրվարի 15-ին Երեւանում իր աշխատանքներն ավարտած անպարտիական կարմիրբանակայինների առաջին կոնֆերանսի պատգամավորներից ու ռազմա-քաղաքական դպրոցի ունկնդիրներից կազմակերպվում է հատուկ ջոկատ։ Շահթախտից Երևան է մեկնում 178 ռդ դուկը։ Զինաթափ է արվում դաշնակների ազդեցության տակ գտնվող ճարտարապետական զորամասը, որը կազմված էր գերազանցապես ռուսական և ուսկոր ընտանիքների զավակներից։

Իայց հարձակման նախաձեռնությունն իրենց ձեռքն են վերցնում խռովարարները։ Երևանում և նրա շրջակայքում, երբ դեռ շարունակվում էր կարմիրների վերախմբավորումն ու դասավորումը, փետրվարի 17-ին թշնամին հյուսիսից և արևմուտքից արդեն շրջապատել էր մայրաքաղաքը։ Չնայած գերազանց ուժերով տեղի ունեցած կատաղի հարձակումներին, Շոռքուլաղի և Վ. Աղբաշի շրջակայքում փետրվարի 17-ին հակառակորդի ջոկատները ոչ միայն հաջողութուններ չեն ունենում, այլև ետ են շարտըվում իրենց համար մեծ կորուստներով։ Նույն օրը վճռական մարտեր են

տեղի ունենում Քանաքեռում: Թշնամու դեմ մարանչոդ կարմիր դորամասերին օգնելու նպատակով փետրվարի 17-ին Երևանից դեպի Քանաքեռ է մեկնում մի ջոկատ՝ Երմոլենկոյի հրամանատարությամբ: Այդ ջոկատը Քանաքեռի տակ շրջապատվում է թշնամու կողմից և 4 ժամից ավելի մարտընչում է թվով մի քանի անգամ գերադանցող հակառակորդի դեմ: Կապի բացակայության և օդնություն չստանալու պատճառով Երմոլենկոյի ջոկատը համարյա ամբողջությամբ ոչնչացվում է: Այդ մարտում հերոսաբար սպանվում է նաև ջոկատի հրամանատար Երմոլենկոն: Փետրվարի 17-ին կատաղի մարտեր են տեղի ունենում նաև Երևանի ծայրամասերում՝ Կոնդի շրջակայքում և Ջանգուլի կամուրջի համար:

Փետրվարի 17-ի լույս 18-ի գիշերը դաշնակիների բանդաներն այնքան են նեղացնում Երևանի օդակումը, որ նրանց ուժերի մի մասը, օդատրվելով գիշերային խավարից, Կոնդի և Նորքի կողմից թափանցում է քաղաք և միանում Երևանում գտնվող մաուդերիստներին: Նրանք զրավում են մի շարք շենքեր: Փետրվարի 18-ի վաղ առավոտյան Երևանի փողոցներում սկսվում են կտտաղի կռիվները: Շատ տեղերում հրաձգություներ փոխվում է սվինամարտի և բռնցքամարտի: Մի քանի ժամ տևող փողոցային այդ մարտերում կոմունիստները, կոմերիտականները, անպարտիական կարմիրբանակայիններն ու բանվորները ցույց են տալիս նվիրվածություն ու հերոսության օրինակներ: Դադաքի զլխավոր փողոցներն ու շենքերը մի քանի անգամ անցնում են ձեռքից-ձեռք: Մարտերը դեռ շարունակվում էին, երբ Աշտարակի, Էջմիածնի և Քանաքեռի կողմից Երևան են հասնում մաուդերիստների նոր ուժերը, մինչդեռ կարմիրների օժանդակ ուժերն ուշանում էին: Դաշնակները շրջապատում են Երևանի փողոցներում մարտնչող կոմունիստական ջոկատը: Սակայն վերջինս առասու պարանոթների նետվում է սվինամարտի և ճեղքելով դաշնակների օղակը, անցնում է դեպի Երևանի երկաթուղային կայարանը: Երևանի պաշտպանությունն ամրացնելու համար Շահթախտից մեկնած 178-րդ գունդը «Աղտառամարտ» դրահագնացքի հրամանատարի և մեքենավարի սարսուռով ճանապարհին պահվում է սահմանված ժամանակից ավելի: Սարսուռով հեղինակներն անմիջապես հայտնաբերվում և ոչնչացվում են: Սակայն գունդը Երևան է հասնում մի քանի ժամ ուշացումով, այն ժամանակ, երբ քաղաքի խոշոր մասը գտնվում էր դաշնակների ձեռքում, իսկ կարմիրներն իրենց հիմնական ուժերով սկսել էին կենտրոնանալ Երևանի երկաթուղային կայարանի շրջակայքում: 178-րդ գնդի ուշացումը վճռական նշանակություն ունեցավ Երևանի անկման գործում: Դնդի գալուց հետո տեղի ունեցան մի շարք ուժեղ մարտեր, նրա մի մասը հետապնդելով դաշնակներին, հասավ մինչև Նորքի շրջակայքը: Բայց արդեն ուշ էր, ստրատեգիական կարևոր վայրերը գտնվում էին դաշնակների ձեռքում: Երևանի պաշտպանությունը վտանգված էր:

Նման պայմաններում Երևանում մնալը և այնտեղ հակառակորդի հետ մարտեր ունենալը կարող էր կորստաբեր լինել: Ուժերը պահպանելու, Սովետական Նախիջևանի հետ հաղորդակցության միակ միջոցը՝ Երևան—Ղամաբուլ—Ջուլֆա երկաթգիծը ձեռքից բաց չթողնելու և հետագա վճռական մարտերը շարունակելու նպատակով Կարմիր Բանակի հրամանատարությունը որոշում է թողնել Երևանը:

Թողնելով Երևանը, փետրվարի 18-ին Հայաստանի կարմիր Բանակի զորամասերը 178-րդ գնդի և «Աղատամարտ» ու «Մուսայելյան» զրահ-պնակների պաշտպանություն տակ սկսում են ետ քաշվել դեպի Ղաթալու։ Նրանց հետ էին Հ. Կ. (Կ) Պ. Կենտկոմը, Հայաստանի Ռեկոմը, ՀՍՍՌ մի շարք հիմնարկներ՝ իրենց աշխատակիցներով։ Այդ զորամասերն իրենց հետ ունեին 3 շոգեքարշ, 60 վագոն (որից 11-ը բեռնված էր պարենով և ուղ-մամթերքով)։ Նույն օրը երեկոյան հասնելով Ղաթալու, նրանք միանում են այնտեղ գտնվող Հայկական առաջին հրաձիգ բրիգադին։ Որի կոմիսարն էր Լիպարիտ Մխչյանը։

Ստրատեգիական նկատառումներով ետ քաշվելով Ղաթալուից, փետր-վարի 19-ին կարմիր զորամասերն ամրանում են Ղարարաղլար — Դաշու-Իեյուկ-Վեգի — Ենգիջա — Կարալար — Քիչիկ-Վեգի հատվածում։

Սկսվում է Ղաթալու — Վեդիում մեկուսացած և քանակով մի քանի անգամ պերազանց ուժերով շրջապատված կարմիր Բանակի զորամասերի՝ իր բացառիկ, հերոսական գործողություններով հարուստ 45-օրյա մարտե-րի շրջանը։ Այդ զորամասերը Ս. Օրթոնիկիձեից մարտական խնդիր էին ստացել — մինչև օգնություն հասնելը պահպանել Սովետական իշխանու-թյունը Հայաստանում։ Այդ զորքերի կոմիսարը գրում է. «Անձնապես քնկ-կներգոյից — Իսայիլովի (Բաքվի) ռադիոկայանից ստացել էինք ծածկագիր մարտական առաջադրանք՝ ինչ գնով էլ լինի պահել Սովետական իշխա-նությունը մինչև օգնության հասնելը»։

Փետրվարի 18-ին դաշնակցական բանդաների ձեռքում էին գտնվում Երևանը, Էջմիածնի, Աշտարակի, Ապարանի, Ախտալի, Կոտայքի, Նոր-Բալազետի և Դարալագյազի շրջանները։ Այդ օրը Երևանում կազմակերպ-վում է դաշնակցականների այսպես կոչված «նոր կառավարությունը»՝ «Հայրենիքի Փրկության կոմիտեն», որի գլուխ կանգնում է Ս. Վրացյա-նը։ Գրավված շրջաններում դաշնակները կազմակերպում են «Հայրենիքի Փրկության» շրջանային կոմիտեներ։ Բոլոր այդ օրգանների մեջ ամենու-րեք իրենց ակտիվ մասնակցությամբ աչքի են ընկնում էսեռները, կադետ-ները, Հայաստանի սոց-դեմ. պարտիան (սաեսիֆիկները), հնչակյանները, հայ ժողովրդական պարտիան և մյուս կոնտրակոլուցիոն տականքները։ Ընդդեմ սովետական կարգերի տեղի է ունենում այդ պարտիաների համա-դործակցությունը։ Փետրվարի 25-ին Երևանում, զաշնակների նախաձեռ-նությամբ և մասնակցությամբ հրավիրվում է էսեռների, կադետների, սպեցիֆիկների, հնչակյանների, հայ ժողովրդական պարտիայի ներկայացու-ցիչների միացյալ խորհրդակցություն, որը քննության է առնում «Հայ-րենիքի Փրկության կոմիտեն» օգնություն ցույց տալու հարցը։ Խորհրդ-ակցությունը «Հայրենիքի Փրկության կոմիտեի» նախագահին ուղղված է մի գրություն, որի մեջ ասված է.

«Համաձայն ձեր հրավերի, Հայաստանում գործող վեց քաղաքական կուսակցությունների երկ-երկու ներկայացուցիչներ համախմբվելով, որոշեցին կազմել միջկուսակցական խորհուրդ, բաղկացած երկու սեկցիա-ներից. առաջինը պիտի զբաղվի՝ գործող բանակի համար պարեն ժողովելով, իսկ երկրորդ սեկցիան՝ ժողովրդի (այսինքն՝ կուլակների, սպեկուլանտնե-րի... Ա. Ն.) եռանդը վառ պահելու համար՝ լայն պրոպագանդա և ագիտա-ցիա մղելով»։ Այդ միջպարտիական օրգանի մեջ էին մտնում վերոհիշյալ

ընդ որում պարտիսանների ներկայացուցիչները, իսկ նրա ղեկավար, որպես նախագահ, կանգնած էր սոցիալիստի դիմակի տակ թաքնված սպեցիֆիկ Բ. Իշխանյանու:

Ամբողջ քաղաքացիական պատերազմի ընթացքում այդ միջպարտիական օրգանը ծառայելով «Հայրենիքի Փրկության Կոմիտեին», նրա հետ միասին պատճառ է դառնում հազարավոր աշխատավորների սպանությունների ու սովամահությունների:

Կոնտրոլի ուղեքային մատուցած իր ծառայություններով աչքի է ընկնում նաև Հայաստանի հոգևորականությունը: Հոգևոր «Հայրենիքի Փրկության Կոմիտեին» նա ծավալում է հակասովետական պրոպագանդա, կազմակերպում է գինված խմբեր, խողոր նյութական միջոցներ է հատկացնում «Հայաստանի Փրկության Կոմիտեին» և դաշնակցական մաուզերիստական խմբերին:

Դաշնակների կողմից գրավված վայրերում նորից ստեղծվում է այն կոշտ արային դրությունը — թալանը, բռնությունները, կամայականությունը և տեղորդը — որին վերջ էր տրված Հայաստանում սովետական կարգերի հաստատումով: Ամենուրեք բանտերը լցվում են կոմունիստներով, կոմերիտականներով և ուղեղներն բանվորներով ու գյուղացիներով: Լայն ծավալ է ընդունում հակասովետական պրոպագանդան: Շերանք հանդուրժել չէին կարող Խորհրդային իշխանությունը, ասում է Ս. Օրջոնիկիձեն. — ուստի աշխատավոր մասսաներին հավատացնում էին, որ բոլշևիկների դարձիւր բատալիոնները կացիներով են դալիս ու կացնահար պիտի անեն Հայաստանի բոլոր մասաներին, չխնայելով անգամ փոքրիկ մանուկներին, կանանց ու ծերերին:

Հայաստանում տեղի ունեցած կոնտրոլի ուղեքայի այդ մասնակի և ժամանակավոր հաջողությունները ողևորում են իրենց հողևարքի վերջին օրերն ապրող վրացական մենշևիկներին, որոնք ինչպես տեսանք, դաշնակներից պահանջում էին մեանալ իրենց հետ և խփել բոլշևիկներին թիկունքից:

Խոսելով դաշնակների և մենշևիկների դրկախառնվելու մասին, Ս. Օրջոնիկիձեն ասում է.

«Նոյ ժորդանիան իր վերջին ճառերից մեկում հարձակվեց հայերի վրա և կոչ արեց դուրս գալ խաչակրաց արշավանքի նրանց դեմ: Բայց նույն Նոյ ժորդանիան մինիստր Սարախտարաշվիլու հետ միասին հաջորդ օրը սիրաշահության ու փոխադարձ ողջուններ փոխանակեց դաշնակ վրացյանի հետ — որը Երևանում կանգնել էր այսպես կոչված «Հայրենիքի Փրկության Կոմիտեի» ղեկավար — և խնդրեց նրան հարվածել բոլշևիկներին թիկունքից: Իսկ վրացյանն առաջին իսկ դիմումի մեջ, որով նա մենշևիկներին հայտնեց իր քաջագործություն մասին, խնդրեց զղեստավորում և մթերապաշար»:

¹ ՀՊՄԹ Պետ. հենտր. Արխիվ, ֆ. № 1/37, գ. № 2, թերթ 21:

² Ս. Օրջոնիկիձեն, Ղեկավարական և պրոֆակտիկ նիստում, «Կոմունիստ» № 70, 1921 թ. ապրիլի 10, Երևան:

³ Դ. Կ. Օրջոնիկիձե, Избранные статьи и речи, стр. 107:

Չնայած գործադրված բոլոր ճիգերին ու ֆանքերին — սկսած կատաղի հակասովետական պրովակացիաներից և վերջացրած բռնություններով ու տեռորով — զաշնակներին ու նրանց հետ գնացող մյուս կոնտրոլուցիոն պարտիաներին չհաջողվեց հենարան գտնել զրաված շրջանների բանվորների ու աշխատավոր գյուղացիների մեջ: Ամենուրեք աշխատավորությունը նրանց նկատմամբ ցույց տվեց իր դայրույթն ու ատելությունը ե հանդես եկավ սովետական կարգերի պաշտպանություն:

Ահա բազմաթիվ փաստերից մի քանիսը:

Իր ակսվեց ավանտյուրան, Ն. Ախտայի շրջանի Ռնգամուլ և Քարվանսարա (այժմ Աթարբեկյան) գյուղերի աշխատավորներն իրենց պարտիզանական ուժերով համառ դիմադրություն ցույց տվեցին զաշնակների խմբերին, որոնք զինված էին գնդացիներով և հրանոթներով: Երկու-երեք օր անընդհատ ուժեղ կռիվներ են տեղի ունենում այդ գյուղերի համար: Դաշնակներին հաջողվում է վերահիշյալ գյուղերը զրավել միայն այն ժամանակ, երբ մեծ քանակությամբ նոր ուժեր են ստանում: Սակայն Ռնգամուլի և Քարվանսարայի պարտիզաններն անձնատուր չեն լինում: Նրանք, թվով 300 հոգի, անցնում են Դոմաշեն, ապա Ելենովկա՝ կարմիր զորքերի կողմը:¹

Թալինի շրջանի աշխատավոր գյուղացիները, չնայած զաշնակների գործադրած բոլոր միջոցառումներին, հրաժարվում են նրանց կռվող ուժեր տալ: Այդ առթիվ «Հայրենիքի Փրկություն» Թալինի շրջանային կոմիտեն «Հ. Փ.» էջմիածնի գավառային կոմիտեին 1921 թ. մարտի 25-ին գրում է, որ շրջանի 8 գյուղերում (անունները չեն հիշատակված), չնայած շրջանային կոմիտեն հրավիրել է «կրկնակի հրապարակային բացատրական ժողովներ օրվա մոմենտի մասին և կոչ է արել մասնակցելու ներկա հեղաշրջմանը, բայց գժբախտաբար այդ աշխատանքը ֆնացած է ապարդյուն:

Գոմիտեն նկատելով այդ անհաջողությունը, փոխեց իր աշխատանքի ձևը և իր ընկերներեն երկուքին, որոնք փափագ հայտնած էին կամավոր արձանագրվել և ճակատ մեկնել, որոշեց թույլ տալ, որպեսզի հրապարակ զան և կու անեն երիտասարդության իրենց հետևելու համար, բայց և այնպես այդ աշխատանքն անցավ ապարդյուն, որից հետո որոշվեց բռնի կերպով հավաքել 20--30 տարեկաններին և ուղարկել: Այս մեթոդով նրանց հաջողվում է 8 գյուղից հավաքել միայն 41 «կամավորներ» և մի-լիցիայի զինված պահակներով ուղարկել էջմիածին: Չնայած դրան, տեղ են հասնում միայն 25 հոգի: Իսկ ֆնացածը ճանապարհից փախչում են:

Էջմիածնի գավառի 1-ին շրջանի միլիցիայետը 1921 թ. մարտի 18-ին նույն գավառի «Հ. Փ. Գ.»-ի նախադահին գրում է, որ «նամադար գյուղի կամավորները կազմակերպելը եղավ, բայց այս գիշեր կեսից ավելը փախել են, ուստի խնդրում եմ գրսի ուժ ուղարկել անձամբ Սամադար գյուղի համար»:²

Թալինի շրջանի Գյողլու գյուղի քահանան 1921 թվի մարտի 23-ին էջմիածնի գավառի «Հ. Փ. Կ.»-ին գրում է, որ շրջանում «ամեն տեսակ

¹ Տես ՀՍՍՌ Գեա. Կենտր. Արխիվ, ֆ. № 171, 150 գ. № 8, թերթ 4.

² ՀՍՍՌ Գեա. Կենտր. Արխիվ, ֆ. № 2/38, գ. № 31, թերթ 17.

³ ՀՍՍՌ Գեա. Կենտր. Արխիվ, ֆ. № 2/38, գ. № 17, թերթ 10.

հակակառավարական գործեր կկատարվեն, շատ տեղերում կառավարության հրամանները երբեք չեն հարգվիր և ըմբոստություն փորձեր կըլլան կառավարության կողմն եկած պաշտոնյաներու հանդեպ: Տեղական դինվորությունը... երբեք տրամադրություն չունի զինվորություն ընելու կամ պատերազմ գնալու, շատ անգամ զինվորներու կողմն առարկություն կըլլա: Թե «չգիտենք պատերազմ երթանք, բայց ում դեմ կովենք, եթե ոչ մեր եղբայրներու և հարազատներուն դեմ»: Դաշնակցական գործիչներից մեկը՝ խոսելով ժողովրդի այգպիսի վերաբերմունքի մասին, վշտացած գրում է, որ «ժողովուրդը գտնվում է գիպնոտիզմի ապակցության տակ»² և չի ցանկանում օգնել իրենց:

Ձնայած «Հայրենիքի Փրկության կոմիտեի» և նրա շրջանային բաժանմունքների արխիվները մեղ հասել են ոչ ամբողջությամբ,³ բայց եղած սակավ նյութերի մեջ կարելի է գտնել բազմաթիվ այգպիսի փաստեր, որոնք ցայտուն կերպով ցույց են տալիս աշխատավորների ատելությունը դեպի ավանտյուրիստները և սերը դեպի սովետական կարգերը:

Ժողովրդի այգպիսի վերաբերմունքի շնորհիվ դաշնակներին չհաջողվեց ընդարձակել զբաղված շրջանները և սապալել Սովետական իշխանությունը Հայաստանում: Ղամարլուում, Վեգիում, Ղարաքիլիսայում, Դիլիջանում, Ղազախում — Սովետական իշխանությունը կանգուն մնաց, որին միացավ նաև մենշևիկյան լծից աղատագրված Լոռին:

Աշխատավոր ժողովրդի մեջ չունենալով հենարան, «Հայրենիքի Փրկության կոմիտեն» գիմում է արտաքին օգնության: Նա մեծ հույս էր դնում մենշևիկյան Վրաստանի վրա, սակայն 1921 թվի փետրվարի 25-ին մենշևիկների իշխանությունն արգեն տապալված էր և Վրաստանում ծածանվում էր Սովետների կարմիր դրոշը: Դա ծանր հարված էր դաշնակ ավանտյուրիստներին: Վրաստանի Կ(ր) Պ կենտկոմի և Ռեկոմի օրգան «կոմունիստը» (վրացերեն) իր առաջնորդողում անդրադառնալով այգ հարցին, նշել է. «Մենշևիկյան կառավարության պարսվելուց հետո Վրաստանում, խորհրդային ուժերով շրջապատված Երևանի «կղզին» տագնապալից դրություն մեջ ընկավ: Նրա բախտը վճռվեց այն ժամանակ, երբ քաղաքացիական պատերազմում պարտված Մորդանիայի կառավարության անձնատուր լինելը փաստ էր դարձել»:⁴

Զղալով իրենց համար ստեղծված ծանր դրությունը, Հայաստանի բանվորների ու պուդացիների դեմ կոիվը շարունակելու համար Ս. Վրացյանը «Հայրենիքի Փրկության կոմիտեի» անունից գիմում է Թյուրքիայի օգնությանը: Նա սկսում է տեսակցություններ ունենալ Թյուրքիայի արևելելյան ֆրոնտի հրամանատար Բյադիմ կարարեքիր փաշայի Երևանի ներկայացուցիչ Բահանդդինի հետ, 1921 թվի մարտի 1-ին վերջինիս միջոցով Թյուրքիայի ազգային ժողովի կառավարությանը Ս. Վրացյանը մի գիմում է ուղղում, որի մեջ ասված է.

¹ ՀՍՍՌ Պես, Կենտր. Արխիվ, ֆ. № 238, դ. № 31, թերթ 11—13:

² ՀՍՍՌ Պես, Կենտր. Արխիվ, ֆ. № 239, դ. № 31, թերթ 26:

³ Ավանտյուրայի լիկվիդացման օրերին դաշնակներն իրենց արխիվների մի մասը այրեցին, ոչնչացրին, իսկ մի մասն էլ փախցրին իրենց հետ:

⁴ Այս հատվածը մեջ է սերված «Կարմիր Աստղի» № 33-ից (1921 թ. ապրիլ 9), որտեղ ասված է. «կոմունիստի վերահիշյալ առաջնորդը»:

«Հայրենիքի Փրկության Կոմիտեն»... խնդրում է Թյուրքիայի աղ-
պային մեծ ժողովի կառավարությանը, հանուն երկու ազգերի փոխադարձ
շահերի ըստ կարելույն շուտ՝

1. Երևան վերադարձնել ուղղափառապաշտում գտնվող հայ զինվորական
ուսուցիչներին:

2. Տալ որոշ պայմաններով՝ հայ բանակին ուղարկել թե՛ առաջին
հերթին ուսուցական երեք գծանի հրացան կամ տանկային մանուկների փա-
ստաններ, և կամ Բոսի ու Լեբելի սիստեմի հրացաններ:

3. Հաղորդել մեզ, թե արդյոք Աղգային մեծ ժողովի կառավարու-
թյունը հնարավոր է գտնում հասցնել Հայաստանին զինվորական օժան-
դակություն և եթե կարող է, ի՞նչ չափով և եղանակով և ի՞նչ ժամանա-
կամիջոցով:

Սույն դիմումն անելով՝ Հայաստանի կառավարությունը (այսինքն՝
«Հայրենիքի Փրկության Կոմիտեն» — Ա. Հ.) հիմնվում է այն բարեկամական
հարաբերությունների վրա, որոնց հիմք է դրված Ալեքսանդրոպոլի դաշ-
նագրից¹ և որոնք խանգարվել էին բուլղարիկների իշխանության ժամանակ²:

Քանի որ Թյուրքիան դաշնակներին օգնում է նրանով, որ իր ձեռ-
քում գտնվող Ալեքսանդրոպոլում ու նրա գավառում ավելի է ուժեղացնում
հալածանքները բուլղարիկյան կազմակերպությունների և ժողովրդի նկատ-
մամբ, զրկելով նրանց Հայաստանի մյուս գավառներում ու շրջաններում
դաշնակների դեմ մարտնչող բանվորներին ու գյուղացիներին օգնելու հնա-
րավորությունից:

Այդ օրերին «Հայրենիքի Փրկության Կոմիտեն» և նրա օրդաս «Ազատ
Հայաստանը» մոլեգին ագիտացիա են մղում հողուսի Թյուրքական օրիին-
տացիայի, փորձելով կրկին մոլորության մեջ գցել հայ ժողովրդին, որը
իր դառն փորձով բազմաթիվ անգամ տեսել էր Թյուրքիայի ջարդարա-
քաղաքականությունը: Բուլղարիկների նկատմամբ ունեցած գաղափարին
ատելությունը դաշնակներին «բարեկամացնում» է Թյուրքիայի հետ:

«Ազատ Հայաստան» թերթը խոսելով այդ հարցի մասին, իր առաջ-
նորդողներից մեկում գրել է.

«Հայ և Թուրք անհաշտության ու թշնամության մեկ ուրիշ, թերևս
ավելի խոշոր պատճառն էր նաև հայ ժողովրդի անուղղիչ և անսպասելի
ընթացքը, որ հասնում էր ինքնասպան մոլություն աստիճանին»: Այսպիսով՝ «Իրե-
րի պատմական բերուժով Անդրկովկասի ժողովուրդների քաղաքական ազա-
տության իրական պաշտպանը կարող է դառնալ միայն Տաճկաստանը:
Որովհետև Տաճկաստանն է այն միակ իրական մերձավորագույն քաղաքա-
կան ուժը, որ անմիջապես և կենսապես շահագրգռված է Անդրկովկասի ժո-
ղովուրդների կատարյալ ազատագրմամբ»:³

Մյուս կողմից դաշնակները դիմում են անգլո-ֆրանսիական իմպե-
րիալիստների և իրանի խանների օգնությանը (Զանգեզուրում պատսպար-
ված բանդիտ Նժդեհի միջոցով), որոնցից ստանում են նյութական ու
ուղղակի օգնություն:

¹ Նոսթր 1920 թվի դեկտեմբերի 2-ի պայմանագրի մասին է:

² ՀՍՍՖ ԳԼՍ. Կենտր. Արխիվ, ֆ № 4/114, գ. № 128, թերթ 12:

³ «Ազատ Հայաստան», օրգան «Հայաստանի Փրկության Կոմիտեի», 13 մարտի,
1921 թ. Ընդգծումը թերթինն է:

Սակայն ոչ մի ուժ ավանտյուրիստներին փրկել չէր կարող հերոսական կարմիր Բանակի և նրա թիկունքում կանգնած Հայաստանի բանվորների ու աշխատավոր գյուղացիների հուժկու հարվածներից:

Դաշնականների կողմից Երևանի և մյուս շրջանների գրավումը Հայաստանի աշխատավորության մեջ առաջացրեց բուռն պայրույթ: Ամենուրեք տեղի ունեցան աշխատավորների միտինգներ, որտեղ ընդունված բանաձևերում դատապարտելով ավանտյուրիստների դավադրական գործողությունները, նրանք որոշեցին գնալ վերցնել, գնալ ճակատ և կոմունիստական պարտիայի ղեկավարությունում ուղղված դատաստան տեսնել ժողովրդի թշնամիների նկատմամբ:

Ղաղախի Քարվանսարա (Իջևան) գյուղում տեղի ունեցած աշխատավոր գյուղացիների միտինգի բանաձևում ասված է.

«Քարվանսարայի աշխատավոր գյուղացիները փետրվարի 27-ի կիրակնօրյա իրենց միտինգում լսելով զեկուցում Հայաստանում կատարվող դեպքերի մասին՝ հաստատ խոսք են տալիս գնալ ձեռքից վայր չգնել մինչև Հայաստանում հաստատվի վերջնականապես բանվորների և գյուղացիների իշխանությունը. մենք խոսք ենք տալիս վճռական հարվածով ջախջախել հակահեղափոխական խմբապետների, կուլակների գլուխը, որպեսզի նրանք այլևս չերազեն իրենց նախկին պարզելի իշխանությունը վերականգնելու մասին: Բոլորս մի մարդու պես կգնանք մեր կուսակցություն (բոլշևիկների) հետևից՝ Հայաստանի բանվորներին ու գյուղացիներին վերջնականապես ազատելու համար թե ներքին, և թե դրսի հակահեղափոխական լծից:

Կեցցե հեղափոխական բանվորների ու գյուղացիների կարմիր Բանակը:

Կեցցե Խորհրդային Հայաստանը:

Կեցցե Խորհրդային Հայաստանի, Վրաստանի և Ադրբեջանի սերտ միությունը»¹

Նույն գավառի Թալա գյուղի աշխատավորների միտինգում ընդունված բանաձևում ասված է.

«Մենք՝ Թալայի գյուղացիներս՝ լսելով զեկուցում ներկա մոմենտի մասին, վճռեցինք միացած ուսարով կռվել դաշնականների բանդաների դեմ, թույլ չտալ, որ վերականգնվի նրանց իշխանությունը, որովհետև մեզ համար միակ ցանկալի իշխանությունը Խորհրդային իշխանությունն է: Թող կորչեն աշխատավոր ժողովրդի թշնամիները:

Կեցցե Խորհրդային Հայաստանը:

Ջարխեչ գյուղի աշխատավորների բանաձևը վերջանում է հետևյալ խոսքերով. «Մինչև վերջնական հաղթանակը կռվել խմբապետների և մաուդիստների դեմ»:

Փետրվարի 26-ին Ղաղախի գավառի Քարվանսարա, Սև Քար, Աչաջուր և այլ շրջանների ու գյուղերի աշխատավորներից արդեն ձևակերպված էր կոմունիստական գումարտակը, որը նույն օրը մեկնում է Դիլիջան — Ելենով-

¹ «Կարմիր Աստղ», օրգան Վրաստանի հոմապարտիայի Կենտկոմի և Ռեկոմի, № 11 1921 թ. մարտի 11, Թիֆլիս:

² Նույն տեղում:

³ Նույն տեղում:

կա՝ օգնելու դաշնականների դեմ կովոդ կարմիր Բանակի զորամասերին։ Այդպես են վարվում նաև Դիլիջանի, Ղարաքիլիսայի, Ղամարլուի, Վեդիի, Ելենովկայի և մենշևիկյան լծից նոր ազատագրված Լոռու չեզոք գոտու բանվորներն ու աշխատավոր գյուղացիները։

Նոր-Բայազետի ջոկատը ձևավորվեց Օրդակլու դյուղում, փետրվարի վերջերին, մարտական գործողությունների ընթացքում։ Նա ստեղծվեց անջատ կոմունիստական խմբակներից—Բաքվի բանվորներից, Շամշադինի, Իջևանի, Նոր-Բայազետի, Դիլիջանի աշխատավոր գյուղացիներից, որոնց ընդհանուր թիվը հասնում էր մոտ 500-ի։ Այս ջոկատը հերոսական գործ կատարեց Նոր-Բայազետի համար մղված կոիվներում։ Մարտի 15-ի փողոցային մարտերում ջոկատը համառորեն կովեց դաշնականների գերազանց ուժերի դեմ և պատվով կատարեց իր մարտական խնդիրը՝ հակառակորդին դուրս չպլքտելով քաղաքից։¹

Նոր-Բայազետի համար մղված այդ կոիվներում կարմիր Բանակի զորամասերին մեծ օգնություն ցույց տվեցին Ալեքսանդրովկայի, Ղշլաղի, Նորադուղի և առանձնապես Ղուլալի գյուղերի աշխատավորներից կազմված զինված պարտիզանական ջոկատները, որոնք հակառակորդին հարվածում էին թիկունքից։²

Փետրվարյան ավանտյուրայի օրերին Ղարաքիլիսայում պարտիական պավկոմի նախաձեռնությամբ երկաթուղային բանվորներից կազմակերպվում է մեկ ջոկատ, որը անմիջապես մեկնում է Նոր-Բայազետի ուղեմաճակատը։ Մարտի 15-ի Ն. Բայազետի փողոցային մարտերում այս ջոկատը հս հերոսաբար պայքարում է թշնամու գերազանց ուժերի դեմ, ցույց տալով կարդապահության և նվիրվածության օրինակներ։³

Ինչպես տեսանք, Սովետական Հայաստանի Ռեկոմը և պետական մի շարք հիմնարկներ, Երևանի անկումից հետո կարմիր զորամասերի հետ գտնվում էին Ղամարլու—Վեդի հատվածում, որը կտրված էր Հայաստանի սովետական մյուս շրջաններից և գտնվում էր հակառակորդի օղակման ու ինտենսիվ հարձակումների պայմաններում։ Երկար ժամանակ կտրված էր ամեն տեսակի կապը այդանոց գտնվող կարմիր զորամասերի և Ղարաքիլիսա—Դիլիջան—Ելենովկա ուղղությամբ գործող 11-րդ բանակի զորամասերի միջև։

Հայաստանի հյուսիսային գավառներում սովետական աշխատանքները զլխավորելու և կոնտրոլուցիայի դեմ պայքարը կազմակերպելու համար 1921 թվի փետրվարի 25-ին Դիլիջանում կազմակերպվում է Դիլիջան—Ղարաքիլիսա գավառների Ռազմա-Ռեկոլուցիոն կոմիտե, որի գլուխ, որպես նախագահ, կանգնում է Համառուսական Արտակարգ Հանձնաժողովի կովկասյան ռազմաճակատի լիազոր Գ. Աթարբեկյանը։ Նույն օրը Ռեկոմը Գ. Աթարբեկյանի ստորագրությամբ, հրատարակում է իր առաջին հրամանը, որտեղ ասված է.

«Ռ. Հ. կոմիտեի իրավասությամբ սահմանները տարածվում են Դիլի-

¹ Տե՛ս «Ղամարլուից Ջանգեզուրի հիշողությունների ժողովածու, Պեհերատ, Երևան, 1931 թ., էջ 140—143։

² Տե՛ս նույն տեղը, էջ 143—146։

³ Տե՛ս «Սովետական Հայաստան» 16 մարտի 1926 թ., Լ. Հովհաննիսյանի հիշողությունները 1921 թ. քաղաքացիական կռիվների մասին։

ջանի և Ղարաքիլիսայի գավառների, մենչևիկյան բռնապետ դահիճներից ազատագրված Լոռվա շրջանի և Նոր-Բայազետի ելինովկա գավառամասի վրա։ Ռ. Հ. Կոմիտեի ազդեցությունը տարածվում է նաև այն շրջանների և գավառների վրա, որոնք ազատագրվում են Կարմիր Բանակի մասերի կողմից ելենովկայի և Բաշ-Ապարանի ուղղությամբ։

Վերոհիշյալ գավառների, գավառակների և շրջանների իշխանությունն ներկայացուցիչներին հրամայվում է խիստ կերպով ղեկավարվել Ռ. Հ. Կ. կարգադրություններով ու հրամաններով։

Այն բոլոր կարգադրությունները և հրամանները, որոնք չեն բխում Ռ. Հ. Կ. կողմից, կատարման չեն ենթարկվում։

Տեղական իշխանությունները պետք է հիշեն, որ ներկա ստեղծված կացությունը շատ յուրօր է և պահանջում է յուրօր հեղափոխական ենթարկում (դիսցիպլինա) և բոլոր կոմունիստական ուժերի լարումը՝ շուտափույթ կերպով վերջ տալու հակահեղափոխությանը և վերականգնելու Հայաստանում բանվորա-գյուղացիական խորհրդային իշխանությունը։

Դաշնակնեւի կոնտրակոլուցիոն խռովությունը արագ կերպով լիկվիդացնելու համար, ինչպես Ղամարլու—Վեդիի կողմից, նույնպես ելենովկա—Նոր-Բայազետ, ելենովկա—Ախտա—Երևան և Ղարաքիլիսա—Համաժուլու—Ապարան—Աշտարակ—Երևան ուղղություններով սկսվում են Կարմիր Բանակի և Հայաստանի բանվորների ու գյուղացիների պարտիզանական ջոկատների հարձակողական հերոսական գործողությունները։

Ղամարլու—Վեդիում ամրացած կարմիր զորամասերը երեք-չորս օրում կատարում են բոլոր ուժերի հաշվառում և վերադասավորում։ Ամրացվում է կոմունիստական ջոկատը, ուր կենտրոնացվում են կոմպարտիայի և Կոմերիտիության բոլոր անդամ-թեկնածուները, Կարմիր Բանակի շարքերը լրացվում են Ղամարլուի և Վեդիի աշխատավոր գյուղացիներով։ Այդ ժամանակ Ղամարլուի ֆրոնտի կարմիր զորամասերի ամբողջ ուժերն էին՝ հետևակ 1664 հոգի, հեծյալ՝ 70 հոգի, 2 զրահագնացք—«Մուսայելյան» և «Ազատամարտ», 11 հրանոթ, 64 զնդացիր։

Խնդիր ունենալով ազատագրել Երևանը, կարմիր զորամասերը փետրվարի 24-ի լույս 25-ի գիշերն անցնում են հարձակման։ Մինչև փետրվարի 28-ը Վ. Ազրաշ—Ուլուխանլու հատվածում Երևանի համար տեղի են ունենում համառ մարտեր։ Առաջ շարժվելով, Կարմիր Բանակը հասնում է մինչև Վ. Շենգավիթ, Ադյաղչլաղ և Ջարրախ գյուղերը (որոնք Երևանից հեռու են 6—8 կիլոմետր)։ Խուճապահար նահանջելով, դաշնակները թողնում են մեծ թվով սպանվածներ, վիրավորներ, զերիներ և մեծ քանակությամբ ռազմամթերք ու պարեն։ Կարմիրների հարվածն ալյաքան ուժգին է լինում, որ փետրվարի 26-ին «Հայրենիքի» Փրկության Կոմիտեն» իր նիստում քննության է առնում Երևանից փախչելու հնարավոր ուղիների հարցը։

«Այդ երեկոյան,—գրում է Կ. Սասունին,—Փրկության Կոմիտեն» նիստում խոսք բացվեց... թե՛ եթե պարագաները մեզ ստիպեն թողնել

¹ Հ Կ (բ) Պ Կենտկոմին կից Պարտ. Արևիվ, պատմական մաս, նյութեր 11-րդ Բանակի վերաբերյալ, կապույտ № 4, գործ № 1, թերթ 87.

² Տես «Խորհրդային Հայաստան» № 2008, 1928 թ. փետրվարի 26.

քաղաքը, այն ժամանակ ձր ուղղութիւնը պետք է ընել՝ Սակայն, օգտւելով այն հանգամանքից, որ Ելենովկայի և Ապարանի ուղղութիւնով կարմիրները դեռ չէին սկսել ուժեղ հարձակումը, դաշնականները Լամարլուի ճակատում կարմիրների թևերում կենտրոնացնում են նոր և մեծ ուժեր սպառնալով նրանց թիկունքին:

Կարմիր Բանակը թիկունքն ապահովելու նպատակով ետ է քաշվում իր գրաված դիրքերից (փետրվարի 28-ի գիշերը): Այդ կռիվների ընթացքում, փետրվարի 26-ին Վ. Աղբաշում հերոսաբար սպանվում է 2-րդ հրետ. գնդի հրամանատար Կիշելիչը:

Նահանջելով, մարտի 2-ին կարմիրները նորից ամրանում են Կարաբաղլար—Բեյուկ—Վեդի—Ենգիջա—Պոր-Վիրապ—Թայթան գծում: Նույն օրը հրապարակվում է Կարմիր Բանակի Հայկական զորամասերի հրամանատարի հրամանը, որտեղ գնահատելով փետրվարի 24—28-ի հերոսական մարտերը, ասվում է.

«Հնգօրյա համառ մարտերի ընթացքում ՀՍՍՀ տերիտորիայում գործող, իմ խնամքին հանձնված զորամասերը, հաղթահարելով արհեստական և բնական խոչընդոտները, կրելով մեծ կորուստներ, մի շարք հաղթանակներ են ձեռք բերել հակառակորդի նկատմամբ, հակառակորդ, որը գերազանցում էր քանակով:

Առանձին ընկերների հերոսութիւնը, նրանց ձգտումը դեպի առաջ, դեպի հաղթանակ, և իմ խնամքին հանձնված զորամասերի հավատը մոտ ապագայում վերջնական հաղթանակ ձեռք բերելու համար, զորամասերին մղում էր մի հաղթանակից դեպի մյուսը և միայն երկու կողմից կատարված խորը շրջանցումը ստիպեց մեզ ետ քաշվել և նորից տակտիկական տեսակետից ավելի ձեռնտու դիրքեր գրավել...»:

Դարալաղյազում կենտրոնացած խմբապետ Յապոնի բանդաները, խնդիր ունենալով հարվածել Լամարլու—Վեդիում գտնվող կարմիր զորքերի թիկունքին և միանալ Երևանում գտնվող կոնտրոստուցիոն ուժերին, մարտի 1-ին ուժեղ հարձակում են սկսում դեպի Վեդի՝ Չանախչի—Հինջրլու ուղղութիւնով: Սակայն առաջին իսկ հարձակման ժամանակ նրանք ետ են շարժւում Սովետական Լախիջկանի բանվորներից ու գյուղացիներից կազմված պարտիզանական ջոկատի՝ Կարմիր Տարրի ջախջախչի հարվածներից: Կարմիր Տարրը, որը բաղկացած էր 400 պարտիզան մարտիկներից, ետ շարժւելով Յապոնի բանդաներին և գրավելով կարևոր ստրատեգիական վայրերը, մինչև վերջ հերոսաբար պաշտպանեց Լամարլու—Վեդիի շրջանում ամրացած սովետական զորամասերի թիկունքը: Դրանովնա դաշնականների Դարալաղյազի բանդաներին զրկեց Երևանի՝ «Հայրենիքի Փրկութեան կոմիտեի» ուժերին միանալու հնարավորութիւնից:

Մարտի 8-ին թշնամին Երևանի կողմից սեղմելով կարմիրների ձախ թեր, հանկարծակի ուժեղ հարձակում է սկսում Քիչիկ—Վեդի գյուղի և Պոր-Վիրապի վրա: Սակայն ենթարկվելով մարտական կոմիսար Լիպարիտ Մխչյանի ղեկավարած Հայկական առաջին բրիգադի խիզախ հակազորոհներին, նա մեծ կորուստներ կրելով, խուճապահար նահանջում է: Այդ մարտում ծանր կորուստներ են ունենում նաև կարմիրները: Սպանվում է հրե-

տանու քաջարի պետ Սիմյոնովը, մահացու վիրավորվում է բուլղերի կենքի պարտիայի հավատարիմ զավակ, Հայկական առաջին բրիգադի մարտական կոմիսար Լիպարիտ Մխչյանը: Այդ ծանր վերքից նա մահանում է նույն թվի ապրիլի 16-ին:

Մարտի 9-ին Ղամարլուի կարմիր զորամասերը Թիֆլիսի և Բաքվի հետ վերականգնում են ռադիո-կապը, որը փետրվարյան ավանտյուրայի սկզբից ընդհատված էր: Ռադիոն հաղորդում է, որ 11-րդ Բանակի ուժերը Ելենովկա — Ախտայի և Համամլու — Ապարանի ուղղությամբ սկսել են առաջխաղացումը դեպի Երևան: Այդ լուրը մոտ ոգևորություն է առաջացրել Ղամարլու — Վեդիի հատվածում գտնվող սովետական զորքերի և պարտիզանների մեջ: Չնայած ռազմավթերք, պարենի, հագուստեղենի, կոշկեղենի սուր պակասությանը, հոգնածությանը և ուժեղ սառնամանիքներին, նրանք նորից սկսում են եռանդուն նախապատրաստությունը Երևանի վրա գրոհելու համար:

Երևանում, Կոտայքում, Ապարանում, Աշտարակում և էջմիածնում պատսպարված դաշնակ-ավանտյուրիստների զրույթյունն այդ ժամանակ կրիտիկական էր: «Հայրենիքի Փրկության Կոմիտեի» օրերն արգեն հաշվված էին: Ա. Օրջոնիկիձեն մարտի 9-ին Կրուզ-կավրոստայի աշխատակցի հետ ունեցած զրույցում անդրադառնալով Հայաստանում տիրող դրությանը, ասել է.

«Դրությունը Հայաստանում ներկա մոմենտում այսպես է.

Երևանը շրջապատված է կարմիր զորքերի օղակով: Զորքերի առաջին խումբը, որն իր տրամադրության տակ ունի 2 զրահացած և բավական քանակությամբ զնդացիներ, — գտնվում է Երևանից 18 վերստ հեռավորության վրա՝ Ղամարլուի շրջանում: Երկրորդ խումբը գտնվում է Ելենովկա — Ներքին-Ախտա շրջաններում: Երրորդ խումբը՝ Համամլու — Լարաքիլիսա շրջանում: Գնալով այդ օղակը սեղմվում է և առանց որևէ կասկածանքի, Վրացյանի երևանյան ավանտյուրան մոտ օրերս կլիկվի դացվի»¹

Ելենովկայում գտնվող կարմիր զորամասերը, Լարաքիլիսայի, Բաքվի և Ելենովկայի շրջանի բանվորների ու գյուղացիների պարտիզանական ջոկատները, որոնց ղեկավարում էր Գ. Աթաբեկյանը, մարտի 12-ին սկսում են հարձակումը Ալեքսանդրովկա — Նոր-Բայազետ ուղղությամբ: Նրանց խնդիր էր տրված գրավել Նոր-Բայազետը և ետ շարտել հակառակորդին, թույլ չտալով նրան միանալու Երևանում գտնվող բանդաների հետ և օգնելու նրանց:

Ճանապարհին մի քանի տեղ ուժեղ մարտի բռնվելով և թշնամու կատաղի դիմադրությունը հաղթահարելով, նույն օրը երեկոյան կարմիր զորամասերը մտնում են Նոր-Բայազետը: Դաշնակները շարտվում են դեպի Երանոս, որտեղ վերադասավորելով իրենց ուժերը, մարտի 15-ի լույս 16-ի դիշիրը կրկին հարձակվում են Նոր-Բայազետի վրա: Քաղաքի շրջակայքում և փողոցներում մի քանի ժամ անընդհատ տեղի են ունենում ուժեղ կռիվներ, որոնք տեղ-տեղ փոխվում են սվինամարտի: Հակառակորդը մեծ կորուստներ կրելով, մարտի 16-ին դարձյալ դուրս է շարտվում Նոր-Բայազետից և նահանջում դեպի Երանոս — Ղարանլուղ (այժմ Մարտունի):

¹ Г. К. Орджоникидзе — Избранные статьи и речи, стр. 110, 1939 г.

Բայազետի համար, մղվող պայքարում խոշոր դեր խաղացին նույն քաղաքի և շրջանի բանվորներն ու աշխատավոր գյուղացիները, որոնք դաշնակներին հարվածում էին թիկունքից: Նոր-Բայազետի հատվածում գրտնըվող դաշնակցական զորքերի հրամանատար Բեկ-Ջուրարովը «սպարապետ» Նժդեհին (որն այդ ժամանակ գտնվում էր Բայազետի հատվածում) այդ առթիվ գրում է. «Իսկաճախությունը քաղաքացիների կողմից էր, որոնք մեզ զարկեցին թիկունքից...»:

Ղամարլուեի, Համամլու—Ապարանի և Ելենովկա—Ն. Ախտայի կողմերից սկսելով հարձակումը, կարմիրների զորամասերը ձմեռային սառնամանիքի պայմաններում կոտրելով հակառակորդի կատաղի դիմադրությունը, առաջ են շարժվում դեպի Երևան:

Վեդի—Ղամարլուեից համառորեն առաջ շարժվող Կարմիր Բանակի ուժերը մարտի 17-ին հասել և ամրացել էին Վ. Աղբաշ-Ուլուխանլու հատվածում: Այդ օրը Ուլուխանլու կայարանի մոտ տեղի ունեցած մարտում հակառակորդի 4-րդ գնդի մի ամբողջ զումարտակ անցնում է Կարմիր Բանակի կողմը և զենքն ուղղում ժողովրդի թշնամի դաշնակների դեմ:

Ելենովկա—Ախտա գոտււ կարմիրներն ուժեղ կռիվներից հետո մարտի 16-ին գրավում են Ռնդամալ, Քարվանսարա, Մաքրավանք, Աղփարա գյուղերը: Համամլու—Ապարան ուղղությամբ նույնպես գրավվում են մի շարք գյուղեր:

Հակառակորդի շարքերում խուճապը և հուսալքությունը մեծ չափերի են հասնում: Այդ հուսալքությունը և խուճապը նույնիսկ չի կարողանում թաքցնել ժողովրդի առաջ իրենց «անհաղթելության» մասին ճառեր ասող Ս. Վրացյանը: Մարտ 18-ին Նժդեհին ուղղած նամակում,¹ նա հուսակտուր պրում է. «Ես արդեն գրել եմ քեզ մեր կացության մասին: Մի ամիս է կովում ենք, Վերջին օրերը նկատվում է ժողովրդի մեջ թուլություն և մարտիկների մեջ խուճապային տրամադրության նշաններ: Կանգնած ենք ծանր հնարավորությունների առաջ: Դրությունը կարելի է փրկել միայն Բայազետից և Բարալագյաղից գործող ուժերով: ... Մասի ենք բանակցության մեջ օգնության մասին նաև տաճիկ հրամանատարության հետ»:

Ինչպես տեսանք վերևում, կարմիր զորքերի և պարտիզանների վճռական գործողությունների շնորհիվ հակառակորդը զրկված էր Նոր-Բայազետի վրայով Դարալագյաղից և Ջանգեզուրից օգնություն ստանալու հնարավորությունից: Նրան փնտրում էր երկու ելք՝ կամ անձնատուր լինել առանց արյունահեղությունների, կամ շարունակել անհուսալի կռիվը:

Հաշվի առնելով, որ Երևանի վերագրավումն արդեն կանխորոշված է և նրա համար մղվելիք հետագա կռիվներում կարող է ընդհատվել աշխատավորների անտեղի արյուն թափվելը, Ս. Օրջոնիկիձեն դաշնակ ավանտյուրիստներին առաջարկում է անձնատուր լինել: Մարտի 20-ին Երևան՝ «Հայրենիքի Փրկության Կոմիտեի» նախագահ Ս. Վրացյանի անունով Ս. Օրջոնիկիձեն ուղարկում է հետևյալ հեռագիրը.

¹ «Հայրենիք» 1925 թ. № 9, էջ 83:

² Այդ նամակը Նժդեհին չի հասնում, որովհետև նամակատարները Ն. Բայազետում ընկնում են:

³ «Կոմունիստ» մայիսի 13, 1921 թ., № 83, Երևան:

«Ինձ ներկայացան մի խումբ հայ ընկերներ և առաջարկեցին իրենց նախաձեռնությամբ դիմել ձեզ և առաջարկել, որ վերջ տրվի անիմաստ, աննպատակ և ժողովրդի համար կործանիչ պատերազմին: Մենչևիկյան կառավարության և Պորհրդային իշխանության միջև կոծվող վերջացավ բանվորադուղացիական իշխանության լրիվ հաղթանակով, ամբողջ Վրաստանում Պորհուրդների ճանաչումով...»

... Ամենքի համար պարզ է, և ամենափոքր կասկածանքի անգամ ենթակա չի կարող լինել, որ հասել է բանվորադուղացիական իշխանության տիրապետության ժամը ամբողջ Անդրկովկասում: Ահա թե ինչու ես ընդունում եմ հայ ընկերների դիմումը և առաջարկում եմ ձեզ անհապաղ դադարեցնել անհուսալի կոծվող՝ հիմք ընդունելով վերջնականապես զենքը վայր դնել...»

Ս. Օրջոնիկիձեի հանձնարարությամբ նույնպիսի առաջարկով այդ օրերին Թբիլիսիից Երևան է մեկնում հայ ժողովրդի մեծանուն բանաստեղծ Հովհաննես Թումանյանը: Սակայն Վրացյանի բանդան ոչինչ հաշվի առնել չի ուզում: Ս. Օրջոնիկիձեի հեռագրին և Հ. Թումանյանի բանակցություններին դաշնակները պատասխանում են մարտահրավերով:

Դրանից հետո, մարտի 25-ից բոլոր կողմերից ծավալվում է կարմիր զորամասերի և պարտիզանական ջոկատների ուժեղ գրոհը զեպի Երևան, Մարտի 26-ին Ելենովկա—Ախտա—Երևան ուղղությամբ կարմիր զորամասերը դրավում են Կարաջորան, Նուռնուս, Նովոնիկոլայեվկա և Թեգիսարաբ գյուղերը: Մարտի 28—30-ը առաջ շարժվելով, նրանք հասնում են Էյլար, Էյլար—Արամուս—Դյամրեղ գծի վրա տեղի են ունենում ուժեղ կռիվներ, որոնց ընթացքում կոտրելով հակառակորդի դիմադրությունը, կարմիր զորամասերը շարունակում են առաջխաղացումը զեպի Երևան, Համաձուռ—Ապարան—Աշտարակ—Երևան ուղղությամբ կարմիր զորամասերը մարտի 26-ին գրավում են Ղաչաղան, Վարթնավ և Զոթուր գյուղերը: 27-ին, ուժեղ մարտերից հետո, նրանք գրավում են Սպիտակի (Փամբակի) լեռնանցքը և շարունակում առաջխաղացումը: Մարտի 29-ին գրավում են Ապարանը, ասլրիլի 1-ին՝ Աշտարակը:

Հյուսիսից և հյուսիս-արևմուտքից Կարմիր Բանակի այդպիսի ուժեղ դրոհը դաշնակներին հարկադրում է փախուստի ճանապարհ փնտրել: Նրանք ցանկանում են ուղղություն վերցնել զեպի Դարալաղյազ՝ Ղամարլուռ—Վեդիի վրայով: Այդ նպատակով սկսում են կատաղի գրոհը Ղամարլուռ—Վեդիում գործող կարմիր զորամասերի վրա: Միաժամանակ թիկունքից՝ Դարալաղյաղից կրկին ուժեղ հարձակումներ են սկսում խմբապետ Յապոնի ուժերը: Բայց այս անգամ ևս նրանք դրական արդյունքների չեն հասնում:

Մարտի 3-րդ տասնօրյակում Վեդի—Ղամարլուռ գտնվող կարմիր զորամասերի համար սկսվում են ամենածանր օրերը: Իսպառ վերջացած էին ռազմամթերքի և պարենի պաշարները, իսկ զնույնների համար այլևս փող չկար: Մարտիկները մնացել էին առանց ուտելիքի, հիվանդները կերակրվում էին չոր մրգերով: Այդ ծանր վիճակի մասին ռադիոն Արարատ կայարանից հաղորդում էր Թիֆլիս՝ Ս. Օրջոնիկիձեին: Ս. Օրջոնիկիձեն վճռական միջոցներ է ձեռք առնում Վեդի—Ղամարլուռ ջոկատին օգնելու համար: Նրա ցու-

¹ Կարմիր Աստղի № 10, 1921 թ. մարտի 23, Թիֆլիս

ցումներով 1921 թվի մարտի 25-ին, ձմեռային դժվարին պայմաններում կատարվում է սովետական ինքնաթիռի հերոսական թռիչքը Թիֆլիսից դեպի Նախիջևան: Հայաստանի լեռների ու կիրճերի վրայով մահախուզի միջից անցնելով 400 կիլոմետր տարածություն, ինքնաթիռը վայրէջք է կատարում Արարատյան դաշտում — Արաքսի ափին, փայլուն կերպով կատարելով իր մարտական առաջադրանքը: Վեդի — Ղաժարվում մարտնչող կարմիր զորքերի համար նա հասցնում է 47 կիլոգրամ (5000 հատ) ոսկի¹, Լենինի և Ստալինի ցուցումներով Ս. Օրջոնիկիձեի կողմից կազմակերպված այդպիսի օգնությունը էլ ավելի է բարձրացնում մարտիկների ու հրամանատարների ոգևորությունը: Գործադրելով բոլոր միջոցները, մարտի 25-ից մինչև ապրիլի 2-ը անընդհատ տեղի ունեցած բոլոր մարտերում նրանք ետ են չպրտում հակառակորդի հարձակումները, ինչպես Երևանի, Նույնպես Դարալագյաղի կողմից և թույլ չեն տալիս, որ Երևանի ու Դարալագյաղի դաշնակցական բանդաները միանան իրար:

Երևանի տակ համառ կոիվներ մղելուց հետո, քայքայելով հակառակորդի շարքերը և զլիովին ջարդելով նրան, ապրիլի 2-ին հերոսական 11-րդ բանակի զորամասերը և պարտիզանական ջոկատները Քանաքեռի և Աշտարակի կողմից մտնում են Երևան: Հայ ժողովրդի ոխերիմ թշնամիները դուրս են չպրտվում Սովետական Հայաստանի մայրաքաղաքից: Կարմիր հեծելազորը ապրիլի 3-ին ազատագրում է Էջմիածինը: Ապրիլի 4-ին Երևան են մտնում նաև Վեդի — Ղաժարվում գտնվող Հայկական Կարմիր Բանակի զորամասերը: Որոնք շրջապատված լինելով թշնամուց, 45 օր անընդհատ ամենածանր պայմաններում հերոսարար մարտնչեցին հանուն Սովետական իշխանության:

Ապրիլի 6-ին «Իզվեստիա» լրագրում տպագրվում է Գ. Աթարբեկյանի հեռագիրը, որտեղ ասված է.

«Երևան, 3 ապրիլի: Այսօր հայ աշխատավոր մասսաների ջանքերով Կարմիր Բանակի զորամասերի օժանդակությամբ, լիկվիդացվեց դաշնակցությունը պարտիայի նուկլալի ավանտյուրան, պարտիա, որը հենվելով յուրքահպատակների ապադասակարգայնացած մասի, զաղթական կուլակների և մաուզերիստների վրա, իր մահվանից առաջ վերջին անգամ փորձ արեց լակեյական դեր խաղալ Անտանտի առաջի Հայ դուշագիները և բանվորները, ջախջախելով ավանտյուրիստների բանդախմբակները՝ զրավեցին Սովետական Հայաստանի մայրաքաղաքը՝ Երևանը, վերջնականապես բարձրացնելով աշխատանքի կարմիր դրոշը: Դադաքի ամբողջ բնակչությունը հանդիսավոր կերպով դիմավորեց կարմիր ջոկատներին»²

Երևանի և մյուս շրջանների աշխատավորությունն իր ազատարարին՝ հերոսական Կարմիր Բանակին դիմավորեց անհուն ցնծությամբ: «Նույնիսկ այժմ, Վրացյանի պրովոկացիայից հետո, — ասում է ընկ. Ս. Օրջոնիկիձեն, — չքավոր դասակարգը Երևանում անբրևակայելի ուրախությամբ դիմավորեց Կարմիր զորքերին»:

Դաշնակները թողնելով Երևանը, Աշտարակը, Էջմիածինը և Կոտայքը, Իաշ-Գառնիի վրայով խուճապահար փախչում են դեպի Դարալագյաղ:

¹ «Заря Востока» № 178, 1923 г. 4 августа.

² «ИЗВЕСТИЯ ВЦИК» № 74, 1921 г., 6 апреля.

³ «Կարմիր Աստղ» № 44, 1921 թ., ապրիլի 28, Թիֆլիս:

«Հայրենիքի Փրկության Կոմիտեն» հափշտակում և իր հետ փախցնում է հայ ժողովրդի հարստության մի մասը: Միայն Երևանի պետական գանձարանից նրանք կողոպտում են ավելի քան մեկ փութ ոսկի, 750 միլիոն սովետական գրամանիչ և այլն:¹

Դաշնակցական հրոսակախմբերը փախուստի ժամանակ թալանում և ավերում են ճանապարհին հանդիպած բոլոր գյուղերը:

Հետապնդելով ջախջախված հակառակորդին, Կարմիր Բանակի զորամասերը ապրիլի 7-ին աղաաագրում են Բաշ. Գառնին: Ապրիլի 9-ից մինչև 15-ը հակառակուցին բանդաներից մաքրում են նաև Ղարանլուղի, Բասարգեչարի և Դարալագյաղի շրջանները:

¹ Տե՛ս ՀՍՍՌ Գեո. կենտր. Արխիվ, ֆ. № 8/114, Կ. № 128, քերթ 3.